

سمير عبد الباقي

كتاب الشهر

①



١٠ مجموعات شعرية بالعامية المصرية

دراسة : إبراهيم فتحى

سمير عبد الباقي

كتاب الشعر

سمير عبد الباقى

كتاب الشعر

١

أراجيز العواجيز

فتافيت الناس والأيام

بريسترويكا بالعامية.

كلام بسيط فى السياسة

أراجيز الأراجوز

رد الفعل

مختارات من جنينة الأطفال

كلام حزين فى الفن

مواويل البال الطويل

واحد احده من المحيط للأبد.

كتاب الشعر - ١

عشر مجموعات بالعامية المصرية

سمير عبد الباقي ..

الطبعة الأولى - القاهرة

١٩٩٠

خطوط الفلاف
حامد العويضي

صف
سهام العقاد
عزة عبد المحسن

اشراف فني
محمد عزام

لا مقدمه

فى وجه أدعياء الاشتراكية وأعداء الفن والشعر من أنصاف
الموهوبين والأغبياء الذى إستحلوا الوطنيه والقوميه و التقدميه
واستحلبوها عطايا وامتيازات واستخدموا الحلم والفن مطايا للمزايا
واللذات ...

أولئك الذين بددوا طاقات هذا الشعب الثورية والابداعيه فى
خلافات غيبه وأوهام غيبه وصراعات نفعية وشخصيه
وأغرقوه فى السطحية والتواكل وكبلوه بمفاهيم الاستهلاك
اللاإنسانيه .. فضيعوا جهد أجيال وهبت حياتها للعدل وللحرية ..
وأطفال شاخوا بحثا عن الجمال والحقيقة ..


أولئك الذين استمروا حياة النخاسة الفكرية والضحالة الذهنيه
واستخدموا سلطة المقاعد المسلحة شعبية ورسميه متدرعين برنين
الكلمات الرنانه .. ومتسلحين بخناجر الاتهامات الكاذبه والملفقه
والمخترعه ضد بعضهم البعض ، فقتلوا حلم وأمل الأجيال الجديدة
جهلا وجهاله .. عمدا وعنادا .. غباء وبلاده .. أو تأمرا مع قوى الظلام

الخفيه والعلنيه مستمرئين راحة العبودية الفكرية أو التبعية
الاقتصادية..

فى وجه أولئك...

ومن أجل شرفاء التقدميين واليساريين والمبدعين من أبناء هذا الشعب
من الموهوبين الحقيقيين- المظلومين والمقهورين والمرفوضين .. الذين
التزموا الشرف والحريه والفن الانسانى الجميل فألزموا القهر والفقير
والذين تماسكوا بالصدق والرجولة والحق.. فحوصروا بالصمت والموت..
فى وجه أولئك . وواقعهم المنقرض المكبل.. ومن أجل هؤلاء وغدهم
الأفضل والأجمل... أطلق أهاتى وصرخاتى قصائد وأغنيات وأزجالا
لعلها .. تجدى صدى فتسمع أصما.. أو تنطق أبكما.. أو تمتلك بالناس
قدرة لتوقظ غافلا.. وتنزع القناع عن كاذب أو تكشف ستر متآمر..
لكى يأتى يوم يسقط فيه كل الطغاة الصغار... من المتحكمين فى
حقول اليمين... أو المفسدين فى حدائق اليسار...!

سمير عبد الباقي



أراجيز
العواجيز

وطن

باعشق لون البحر فى عينك وف مجانينك
باعشق مشاوير الطير فى جناينك
وباحب الشمس أما تشق ف طينك
تشقشق وردة على خذك
عود باسمين على قدك
بسمه قطيفه وضحكه خفيفه على شفايفك
يشهق فيه يتيم الفرحة.. ياااه..
دى الجنه قريبه ياوالااه..
شايفك بتداوى مخاوفك
يلحقنى يسبقنى ويطير
الطفل الشاعر فيه زى العصافير
يتحنى بتراب ميادينك..
يتغنى بسجايا لطايفك.

جر

عصفور غزل بنيته
على غصن ناشف كان فى نيته
يكف عن غيته فى الخضره والأزهار..
يقطع جدور غربته فى الدار
ويبدأ الإبحار فى النهر للغربه .. أو للإلتحار

الغصن لما زقزق العصفور
لاعب وليفته وداعب الأفراخ..
هاجت هموم وحدته
واتوهجت أحلامه عن رحلته
عزت عليه نفسه.. وحس بنسغه
أدنى كثير وأحن من دمعته..

البرعم اللى كان عليه الدور
لون تيا به يفرح العصفور
أنا اتشيت حتى الجدور بالنور

ياشمس يا أم الفرح والعيد
يا موققه المواعيد
جرحنى شوك المخفى والمغدور
لكنى حسيت فؤادى كأنه العصفور
نفضه الهوى بين ضلوعى نبض قلب جديد
وقال لى نبدأ سوا خطى ورايا السور
(فليسقط المنشورا!)

حجر صغير صاحى فى كف وليد
هوه اللى اتى يفضح المستور

مطر

ريحة المطر بتهز قلبي المحترم
بترجعه تلميذ في كتاتيب الغرام..
يحس نفسه بيجرى في شمس الهرم
شاطر.. كإنه من مغاوير الهوى
وف إيده شابه تشبهه الخالق تمام
وكإنهم في الأصل مولودين سوا
زي الآهات اللي مولفها النغم..
زي الأغاني اللي مخوفها الحرام

آه ياتخاريف المطر فوق القزاز
قلبي إتملا من تانى أوهام.. ربما..
لكنى حاسه قوى في لحن ماهوش نشاز
هزأز في ربح العشق ولف ع السما
كان له زمان أيوه ف حواديت الصبا
والآن.. بيستسلم لما تحت القدم..

لما الشتا بيمس صفحة صلعتى
تصبح عروقى ودان.. وكان صابنى الصم..
ريحة المطر على قد مابتوزنى
وتاخذنى لبعيد البعيد.. بتردنى..
أمشى كمن على سلك خايف شهقتى..
لا تزحلق اغرق فجأه في شبر الألم..

أراجوز

أراجوز ضحكنا بأحزانه
ضحكته من صرخته لودانه..
كان زنى سابقاه أزمانه.. ببيرش ع الكل حنانه
ويعبى الأحلام بحفانه
لجل حبايبه مقطع نفسه
ومالى مكانه وسط جيرانه..

دلوقتى ملسوعنا لسانه
بيقرقش عضمنا باسنانه
كان ياماكننا قال ياما كانوا
اللى وصل مالحقش مكانه.. والى لحق ماوصلش زمانه
وقع البيت فوق راس سكانه
اللى هرب ماركبش حصانه
البغل اتخفى ف لابريق
والسجن اتشكر سجانه
لاعرقى.. رطب لى الريق.. ولا دمی دکنى لطريق
ولا قلبى اتذکر عنوانه..
ياصديقى يامحتاج لصديق
ليه غلك شوک أحضانه..
علمنى الفن اما تضيق.. أشرب لها من بحر جنانه!

ميدان الرمل

فى ميدان الرمل بيتغير لون البحر
يتغير طول الشارع.. عدد السيارات
يتغير خط السير.. الإشارات تتغير ألوان الطير،
السحابات، البتارين المانشيتات، البراويز البنى آدمين..
فى ميدان الرمل..
تتغير حواديت الحب، حكايات الأطفال
النخل، الشجر البلكونات
يتغير لحن الفساتين
تتغير رقصة عمر الفرحه تحت البلوزات
يتغير طعم الضل
لسعة كف الريح على مدد الشوف
يتغير رقص الموج..
صوت الزمامير، البالونات الحناطير
الحناقات الاعلانات الزحمه على محطات الاوتوبيس
تتغير نداءات البياعين نمر الترمای، المواعيد
يتغير شكل التمثال الفارع ضى المصابيح المنسيه
طهور الشاويشيه الرايح جاى
إسم البننت المستنيه على الناصيه
يتغير لحن الخوف النسای
يتغير حتى طعم دموعى بيتغير
لكن همك، حلمك، حبك..
أحزان أهلك جوّه ضلوعى ما بتتغيرش إنما .. بتزيد..

العيال والقمر

أيام زمان كنا بنحلم بالقمر
ونبات نفكر في أغاني تسعده..

نلعب سوا نستنى فرحة موعده
ونحسب ايامنا السعيدة بمولده..

لايام دى مبيت فوق ملايه مرقعده
كالح .. عديم اللون عديم المنفعه
مش لاقى حد ولا أغاني.. تنجده..

بينادى - ريح البحر تاخده وتبعده
لبلاد ماتعرفشى الوشوش المصبوغين
عيالها عاشقين ليلها غاوين السهر.
علشان يجدد بين ايديهم مولده!

يا أيها القمر الذى كان حقنا..
ولا كان لحد الفجر يزهد منا
باستغفرك - ترجع تسامح ذنينا
بعدك حزاني.. واليتيم مين يسعده..

العسكري

مسكوا الحرامي .. الرجوه اتنهدت
وكل ست حسست على صدرها
وكل افندي قال كلام مايقصدوش

مسكوا الحرامي العسكري زي البطل
ورم عينيه، ملص ودانه، كتفه
-ملصه من الزحمه رماه في الانتظارا
كافة عيون الخلق مليانه بشهوه لانتصار
زي الوحوش..

لما وصل بيته صاحبنا العسكري
مالقاش في جيبه للعشا حبة قروش..
لوت مراته بوزها لجل ماتجرحوش
وزاحت له لاولاد من سكات جنب الجدار
علشان مايلمحشي هزيمته..على الوشوش..

عنتر زمانه

ماشى يدق بكعبه حجر الأرصه
وكبانه عنتر في حوارى الجاهلين
دايق بطرف لسانه كل الإرغفه..
رايق وعايق بالمزايا المجهولين..

إيه اللي يمنع يافتى تسب الملوك
مادام نهار ماتعوز بتجلب معزهم..
تبيع فى سوق الكلمه حدوة أبوك..
وتلاقى فقرا يوهبوا لك عزهم!

يامن ساومت على السنين.. راح الشباب
تاجرت فى مدن الجهاله.. بالقرى
العمر رقة عين يا جاهل بالحساب
مجدك سراب والأرض ما يترجع ورا!

العرق دساس

طبعك جميل .. إنما عيب العويل صابنى
ملاتنى يأس وعمأ ولجهله عصبنى..

سلسلنى بالماضى عجزنى، وح ادرك إيه؟
من حلم بكره اللي شوق حزننى فطمنى عليه
واللى ابتلاتنى.. على مرك مغصبنى..

شريت سم الدوا هرب الشفا منى
شكيت لقاضى الهوى حجب النصف عنى..
واللى افتكرته مصاحبنى صادق النيه
خامر عليه.. وشايفه بعينى - كدبى!

أساطير

تخيلنى كافة أشجار الدنيا
تاخذ عيني الألوان، الفساتين، الحكايات
الابتسامات المليانه حنان وحنين
لكن - تحت جفونى ترفرف أصغر شجره ف بستانك
أصغر سبلة قمح.!

تخيلنى قصور البتور فى العالم
تخطف قلبى الألحان
مرمر صدر بنات الحور - النسوان
خمر شفايف العشق الأصفى من النور
لكن - جوه ضلوعى تلاحقنى أبعد عشه من طينك
تقالقنى وتحرقنى أضعف شكه شوكة سور
أهون آهة جرح.!

متعلق قلبى بحبال أوهامك
حزنى بيتخلق من لهفة روحى على أحلامك
من خوفى عليكى وع الانسان
أسكر.. من كتر ما باضعف واتذكر
وأتوه - من قلة ما اقدر ع النسيان
يامراود كحل الأحزان
باتمنى.. يا أحلى الأوطان
عمرى يصبح لحظة، آخر لحظه ف آخر أيامى

تصبح نبره.. فى آخر غنوه من أنغامى
آخر شهقه على طرف لسانى
آخر حرف فى آخر كلمة - مصر
وكل اللى نطقته قريته اتذكرته نسبيته
واللى كتبته رسمته عشانك
لغيطانك أفرانك أفراحك أحزانك
لايامك أحلامك أيتامك أجرانك..
يتجمع كله فى آخر آهة فرجه
تحرقنى بلهيب آخر نصر
على آخر كدبه وآخر قصر.

محاكمه

فى عز النور ، الضى ، الرقص المجنون الأحلام..
اللحن ، اللحم الحى العريان..
تتسرب روحى من بين أسنان الفرجه..
زى ماتتسرب منى الأيام..
فى عز جنون الموسيقى الجارحه
تبهت وتضيع ألحان موالى الغلبان
يغمر قلبى فيضان الأحزان
لما يواجهنى بمرايته سؤالى.. يبدل حالى
تبخلق جوه عيونى - عيونى.. تقلق بالى
وتهب ايامى وسنينى وأصحابى

من قبر الحاضر والماضى يحاصرونى

اللى راعيتهم حتى فى غيبتهم وفاتونى
اللى عكيتهم فوق معايبهم وخانونى
اللى عديتهم على كتفى بحر التوهان ونسونى
حتى اللى سهواً لما نسيتهم سامحونى..
واللى شالونى.. مجامله
واللى غصباً لما احتاجوا لكلمتى جاملونى
واللى من ضعفى حميتهم واللى بضعفى رمونى
واللى من ضعف قلوبهم وحنانها قدام أحزانى
شالونى وعدونى بحور التوهان
الكل .. الكل كليله يتلموا عليه.. زى الغربان
زى مايتلموا عليكى يا مصر يحاكموكى
بيحاكمونى..

وانتى زى ماكنتى - الوردى اللى ح يعطونى
لو سمعوا شعرى وسامحونى..

إنتى برضه ح تكونى - السم اللى ح يسقونى..
لو حكموا عليه قبل ما يتحققوا من لونى..
وسدوا ودانهم ماسمعونى!
ولا ميزوا بين أوهام عقلى، ومزايا جنونى!

خـلـود

بين كل حين ومين يموت لنا رفيق.. يموت بطل!!
كان ملو ساحات الزعيق سوق الورق
حبر الجهات الأربعة
لاحقته ووافاه الأجل، عافاه في آخر سكتته من الخجل
من قسوة الترغيب أو التأنيب وجنبه مواطن الخبل..
نمشى ف جنازته مقطبين الأفتنه
متلفعين بالحزن.. راسمين القلق على مصير المعمه
من بعد مافاتهما الزعيم بلا أمل..
نواسى بعض بالعيون مدمعه
ونستعيد اللي حصل على عجل

- أذكر محاسن ميّتينك يازميل
طبع الوفاء ببليق بطبع المجدعه..
فاكتم قليلاً شهوتك للجمعجه..
أفضل صديق هو اللي مات فجاء فأفسح لك طريق..!

سنوا قلامهم كتّابين الأعمده
وبروا سنانهم عقدوا في الأورده
ح يعمروا السهره بتفاصيل التاريخ
ويذكرات السجن منفي ومجلده
يصفروا يخضروا - يقولوا - يزوروا..

والعاملين بالسّر جهراً يسكروا..
ويسهروا حتى الصباح
يحاولوا لضم ايام حياته المجهده
اللى فاتها يوم مماته مبدده..
ويوقفوها على حروف المطبعه!

خرجوا التلامذه ولاد بنات م المدرسه
من بعد ما حشوا العقول كتب وفول
نصبوا مراجيحهم على حبال الصوان إترجخوا
فرحوا وضحكوا وكركعوا
وبرطعوا على الكراسى والدكك
واتبعثروا على السكك.. وكإنهم بيتجمعوا..
لا حسوا أحزان الوطن
ولا سمعوا باسم اللى اندفن ولا مطرحه!

آخر الفراعنه

ما أجهلنا
فى خوف ملعون ساقتنا عما كرابيج فرعون
والحلم مكنون موألنا
ما أهبلنا يا تاريخ مدفون ما أسهلنا
الكذب صريح والحق جريح من أفعالنا

عمرنا بيهون .. من قصر حبالنا وطول بالنا
إتقطع .. قال إحنا إخترناه
اتفرّع قام إتفرعنّاه
إتحمّلناه .. ما اتحمّلنا ولا جاوب صعّبهُ أسهلنا
عكّرنا يروّق ويعسكّرنا
ملّحنا .. يدوق من سكرنا
وأكلنا حقوق حين أسكرنا
همّل مالنا ركّبنا الهم استهبلنا
ورمانا للسوق وبأ عيالنا
باعنا جوعنا .. سرق مالنا
صغّرنا مع إن كترنا ..
الفال خدناه من أصغرنا
وكبرنا يابلدى ما قصّرنا كسرنا الطوق
يابحور الشوق .. ماقدرش الظالم يكسرنا
ما أجملنا .. لميّننا آخرنا بأولنا
ياحلاوة الروح لا بد نكون ..
ياخيل مطلق ..
على فوق اطلع بينا أملنا
حلّمتنا من نور علمنا مسروق
إرمح بينا فسرهولنا
العدل صريح القول واللون
وفصيح معناه ويليق ع الكون ..
ومالوش فى الآه .. له فى الفرحة ..
رفرفى يا جناحات أطفالنا
خطى بنا الأيام الجارحه ..

بكره ما أحلاه

انقش ع الصخر تاريخنا إحننا ..
قولى لفرعون : كام فرحناه ..
الفرحه المجنونه القارحه
وكم فزعناه
لما صرحناف وشه الآااه
يوم مادبحننا ..

حلم الجعان ..

كم حظ ليلك على نيلك نور .. فراعين
ممالك ويدو وتتر
ترك وغجر مجانين ..
من غاصبين أغراب
من روم ومن أعراب
سلبوكى أمن الفلاحه وضحكة المرتاح
عدموكى راحة البدن حرموكى م الأفراح ..
وانتى كما انتى على شط الزمن والطين
مشققه الكعب من كرب الطريق - الجوع
تمدى - تمتدى كفور ونجوع
تشدى قمح اليتامى من نياب تعابين
ودياهه متحضرين ..

بياكلوا لحم الغلابه
بالشوكه والسكين..
حَجَّرَ قلوبهم صبرك الموقوت وكريك الأصب..
وصمتك المستحيل فى حضنك الأتعب
كم خطوا بالسيف على جلدك وبالنبوت
ونبتوا السجن وسط البيلسان والتوت
سقوكى سم الوشايه ف غنوة لأصحاب
شنقوك بلقمة ولادك..
وسلموكى لايدىن الشاعر الكداب والثورجى العيره..
يكسر بخاطر الصبايا يزفها للموت..

ياصبرك الأطول على همك الأتقل
الاختيار اليتيم مايعرف الأجل
يا الصمت يا الموت..
يا القبر يا القوت
يصيبك الصبر فى المقتل تحبى الهمس.
ويفضل الحلم يستعجل نهار أعدل
حلم الجعان لقمه .
احلام السجن الشمس تبان بشايرها لما تقشعى الغمة
حين تبقى أمه لها فى لعبة الملكوت.
متحرره من تاهوت اليوم ومجد الأمس..

عتاب

جری إيه یا نیل یا عجوز ؟
مش كنت ساعات بتقدر لما كنت تعوز ؟
عيبه على الشيبه امتی شبيت وانت شباب
شایفك بتلحس طین تسف تراب
تمضع جدور الذكريات والموز
تقاسم الأطفال حساب الفرجه ع الأراجوز
تراهن التجار على الأشعار
وتلاعب الحراميه فرد وجوز
یا عينی على خبيتك
أمعنت فی طبيتك
شبط عديم الخال عبط على رقبتك
لهف العسل والبصل والقمحه والبلحه
ودوخك بين البنوك رحال ..
وشغلك عند الملوك شيال
على الشطوط تترقى تدور على فرحه
تشحت بواقى عافية العمال
مجهد شديد التعب بتهدك الأوحال
سفن الزمان قارحه .. جرح قلبك الترحال
نساك تقول لى السبب یا خالى فى مصيبتك
نسيت ونسيتنى ..
طبع الغضب وعكارة الفيضان ..
طعم البكاره الأمل فى حجارة الأطفال ..

مارس المصرى

لشهر مارس جمایل.. ينكرها كل عویل
وعليه عمايل هوايل.. تقشع ضلام الليل

قوم شد حيلك ياراجل يكفى نواح وعویل
يا ابن الخيول الاصايل..
.. بنت الجموح الأصيل
أم الخطاوى الزلازل ..
فيض الغضب والنيل

جرى إيه يا جمل المحامل.. دانت اللى كنت الدليل
بتروى ليه الخمايل.. بسموم رضاك الطویل ..
محتار ما بين البدايل وكان ذلك بديل..
ياتعيشها بانس وخامل؟
ياتموتها يانس ذليل؟

إقطع حبال القبایل.. ترجع فارسها النبيل
دانت ومارس زمايل.. وعد الربيع الجميل
ويآه تسوى الهوايل .. تروق كشمس الاصيل

صداقة الغز

ضحكنا معاكم ضحكتم علينا..
ولما بكينا بقلوبنا عليكم
فرحتم شماته على دموع عينينا..
....

ياخيبة رجايَا ف سككنا التلاته
قلوب الرفاقه ما حسّت أسايا
أنا البكرى كنت الحجر للرحايه
وشعري غناوى الليالى البغايا
وكل السنين اللى كانت ورايا
ضاعت منى ذكرى وفكره وغايه
وباجمعها سحته وشحته وبطر
يا عينى فاتونى لوعديّ العجر
ولا كنت شيبوب ولا عنتره
ولا حتى يوسف بعيد النظر
خدعتك فى سوق المداين قرى..
هجرتك سفاين فارقتك بشر..

ومين راح يعيد الملامح لوجهي
ينطق حروفى على طرف شفايفي
ويسند سنين حيرتى فوق كف ضعفى..
يرجعنى فرحه ويزرعنى قمحه ف غيطان الوطن.

يا هل ترى

سأل القمر المخنوق الولد الفرحان
ياترى البلح المالح على نخل النيل أحمر
ياترى اتحترت غيظان الحوجه انفك عقال الخيل؟
وقمع العزّه اخضر؟
ياترى رجعت حواديت الفرسان
نطق البحر الصامت سرّه ف قلب الصبيان؟
ياترى اشتد الخيل المقطوع الهمدان ارتاح الشقيان م الحر؟
ياترى انشق الليل المهزوم عن فجر جديد؟
ياترى انهدّ السجن على دماغ السجان؟
ياترى اتفسل العار إنهار ملك الكوتشينه العريان؟
ياترى . ونفخ العيد بالوناته المتلوّنه من دم الغيظان؟

وعشان كده شايفك بتغنى سعيد فرحان
فارد صدرك ع الآخر للريح ومزقطط
وبتتنطط تتطوح ع الرصفان
ياترى... انفجرت فانفجرت بصحيح؟
والا مازال الكاين زى ما كان. ا وانت جبلكه وقله وفلتان
قلبك ميّت مش دريان بالهم الكاتم على نفس الغلبان
خلاه مافهمشى ان الرايه الرقااصه على زمر وطبل الخبااصه
شعرا التفاريح المهبيااصه
فى بعض كثير م الأحيان
بتكون للأوطان. أكفان. ا.

لحظة فراق لحظة لقا

(الى. صلاح حافظ)

ماشى فى قلب القاهره وحدى
ساعة اذان .. قبل الهدوء بشويه
كافة هموم الوطن ع الأرض مستعفيه
فارده بضايها على الرصفان..
الإنسانيه فقدت الذاكره..

عديت على حاره من الأصحاب
شرينا مع بعض قهوه من بتاع امبارح
وفوتنا ريحتنا على الأبواب
أيامنا زى الخلق متبعتره
والعمر كنت بتجمعه ف صره
وتقدمه هديه لصاحب النظر

ياابن الأكاير يازوق
ضحكتنى فضحكت على شيبتى..
دعبست فى جرايى على طفولتى..
كانت صباح الخير على نسانى
نسيتها فوق ترابيزة القهوه

مع لفة من عمرى حكايات واغانى
فيها حبيبتي اللى كانت طبع وملامح
ملعون ابوها المصالح
خلطت فى بقی المر والمالح
وعودتنى أبيع بسبب السفر
من غير ما أعرف وجهة التذكرة

آهين يا صاحبي العجوز
ليه كل مانزورك بتضرب بوز
ماتفكها خلىنا نتبجح
أنا برضه بافهم فى الفؤاد المجرح
داحنا زرعنا بسله فى العنبر
وفتلنا جبل الصبر للعصافير
نلعب خيال الضل لما نجوع
ونوصل الشمس حتى طاقة المنور
وعلى وتر من حلم ربانى ..
ندق مزيكه ونكتب قصص ..
عن شيبه ربانى
ونبكي لما يفوتنا جرس الحصص
إحنا التلامذه اللى شيبنا ولسه بنذاكر

فاكر عصاية الفقى والا انت مش فاكر
النفبشه على ورقة البفرة
وقلة الحيله والترحيله والوفره ..

من قرش برأنى ..

كله بحسابه والحساب ما جمعش
شاطر حسن كان برضه أحياناً يحب يتسلى بنقل ولوز
وان قام بحقه ينسى حق العرب
طعم الورق ما عايش زى زمان
والحبر بيغير من الألوان
وانا اللي قارش ملحيتى الأراجوز
أدبى بعصاية الفنون والطرب
وحبانى رقه وغضب
حببت تراب يمشى عليه أصحابى
وعشقت واحده وصفها شاعرهم
نص الشطاره أدب راعى مشاعرهم
تقنت صنعة أكابرهم وقلت يجوز
يفضل لى حاجه من قمايرهم
من قبل مانعكز ونبقى كبار

عديت على العتبه أجيب الوصفه
من عند عم سليم العطار
لقيتها غرقانه مطر ودموع بتشغى بالأحزان ..
حتى الفرح عند اللقا ممنوع ..
الانسانيه .. حرقت الدكان !



• التماثيل •

ياريس الفن حلفتك لتعمل له
تماثال يخلد للأبد ذكراه
بطل الشعوب اللي باع قلبه وقتل خله
ولوث الشرق من أقصى إلى أدناه..
روح محجر الكذب خد من دقنه وافتل له
ونقى أبرد حجر بين الصخور تلقاه..
إذ كل شئ يشبه له
ملامحه.. أفكاره ضله..
سبحان ربى بلا نحت ولا تشكيل
منذ ابتداء الخيانه شكله مولاه
على قد ماعلاه - قد ما ذكه
فأمانه إدفن ملامح صورته فى صخره
تفضل علامه على طول الزمن عبره..
واضرب بقوه وكرامه وصدق ع الأزميل
خلينا جيل ورا جيل مانسى طعم الآاه
ولانسى أبدا بأنه مالك الغبرا
كان نادر الخبره فى الأكاذيب وفى التضليل

والحكم فن الفنون له فى الجنون خبرا
بياكلوا لحم الوطن والناس - بشكل جميل..
ولا الشعرا

ياكل هذا الجمال

(الى الفنان / محمد صبرى)

ياريتنى تلميذ.. واقضى العمر على تختك
حتة حجر فى إيديك .. توج حياه
الله عليك يا صبرى يا مصرى..
الله عليك... الله... وياختك!

كم كان مخبى عنى وكشفته
وكم لحقنى بعد فات وقته
وكم شاهدته بعد ما فوته
النيل ماهوش ميه.. وانا شريتته
ولا النخيل نباتات.. دانا طلعتته
كانوا البشر وكانهم إخوات
متبعترين فى دغميشات الصبح..
بينادوا بعض تجاوب المسافات..
بيبكوا شئ كان حى عمره ما مات
أنا فى عز الظهر ما أدركته
وحين لحقنى.. عجزت ما فسرتته
لكنه قلبى اليتيم كتم الألم وناداه..
لما أنت أعطيتته الحياه وخلقتته
الله عليك .. الله

إنا كنت حاسب الفرحة بالمليم

وكأنى فاهم غرضها قبل ماتزغرط
أنا اللي عارف ربنا ولثيم
قلت المسامح كريم مع انى باتلخبط
غلطت فى الحسابات
المسطره ع الخط بتغالط
سكك البشر مش خرايط
والدنيا لا ابيض ولا اسود
دالنعيم تقاسيم
واترن تحت السطح شئ تانى
جلد الحجر حساس لضعف الوتر
والضل له فى الأغانى أحن من قلبى
أنا .. نديم البكا وكليم جراح الآه
عاودنى رعب الرمادى .. والمخبى وراء
قربت قصادك فى لغات اللون
وسمعت أجمل حروفك فى عيون البشر
اللى نفضهم بين إيدك الحجر
لما فضحت على الملاء ما قد سبق وخفاه
الله عليك .. الله ..

صوت القزاز قيم قيامة الورق
ورمانى فى بحور السكون والفرق
الريح بكى على صدر شجر النبق
ولقيتنى بارحل فى هموم الشفق
وف كربة الحوش الفقير العتب

الموت حياه... والا الحياه فى القلق..

أنا كنت صابنى الزهق
رَبَّحت بالى على كتاف التعب
والجهل نعمه بما يحسه الخشب..
الرمل خدنى لضاف النهر عطشنى
ورغيف بنات الواحات ع الواجيات نقرشنى..
أدبى الجميل لولا حاشنى..
أنا كنت بُست الضل.. أرحل فيه
لكنى خُفت عليه..
خجلت من عجزى أخطى التيه
مع إنى طول عمرى باحلم بيه..
ومستنى.. أهج وراه..
ريحة خبيز الأم أوحشنى..
وسلسلتنى ذنوبى وعلتى وجهلى..
وما جرى فى التاريخ والسوق على أهلى
بكيت على نفسى أكمنى خالفت نداءه..
ياااه..

كنت أفتكرت العمر يا امه مضى
والحزن صار صنعة خلى البال
ندمت حين نظيت لحضن الفضا
والأرض فيها كل هذا الجمال..

موت الرفيق الـ . . خالد

أنا كل ما ترد روحى، الروح تروح منى
يا منية النفس شمسك ليه تغيب عنى
عرقى جداول يانيل والأرض بخلاته ..
ليلنا وعدنا بصباحه وجرحه بكأنا ..
والصبر طال به المطال والفرحه خجلاته
والنفس مش طايقه من كرشتها بتغنى!

يا هل ترى بتموتوا من حسرتها
والا لآته اتعكرت ميتها
الصيداين خوضوا على قد ما اصطادوا
ولاعدت شايف صبايا فى مرايتها ..

...

أنا كنت فايت جنب سور عمى
وكانت أمى مسقعه قلتها
عطشى قتلنى، كفانى ع العتبه
مالحقت أبوس ولا أحب على طرحتها

...

إيه كان منابك غير حفان مالح ..
وكنت صابح احتسب عمرى ..
عند اللى حاسبه عليكى بالمليم ..
أغفر له ذنب عذابنا وإسامح فى جرح قديم ..
أخبى سيفى فى جراب الحاوى

وأعبى ضى الشمس فى صفايح
 يمكن أرجع تانى ضحكتها
 لا يام ماكانوا اولادها بيموتوا
 وقطاعين الأمل لا بدين فى سكتها
 مافى شهيد انقتل غير مد فى خطوتها
 واختار بنفسه الكفن وردى صريح اللون
 يترك فى غيظ القمع بعض روايح..
 ويروح لغيب العدم وكأنه مش رايح..
 يموت وهو ابتسامته الراضيه وسع الكون..
 واولاده فى حضن القفص عصافير..
 ما بين ضلوعنا اسمه يصبح طير
 برواز وصوره فى ركن أفقر بيوتها
 لولى القزاز على وشه يتبسم..
 قصيده عند الشاعر الفرحان:
 (على قبرهم فى مهب الرياح !!)
 وأهه عند اللى غاوين البكا و الحزن
 (المطرقة ناحت على السندان)
 وصور كروت ثوريه للسياح..
 (حمراء تخفق راياتنا !)
 فى أيامها كنا للرحيل احتمال..
 جمال تحير عاتى الأحمال
 فى عز ليل السجون النعش كان له رجال..
 وللمظاهره الورد والأطفال
 بيحلموا بالآتى على غير ميعاد..

(ح نصبه خرسانه)

عظامنا أساسه..

ونلف ورد قلوبنا تاج على راسه

نزقه بالإجماع،

للمؤتمر ليلة يحل الميلاد..

(كل الرايات ويآنا .. هذا مؤكد)!

ونحلها.. ذكرانا.. من الذاكره..

فتؤكد الأحداث وضوح الرؤيه!!

راحل في غير وقتك يا عم فؤاد

ياما لسه في قلوبنا الهموم باقيه..

الساقيه بتعكّر في ميّتها

والأم مابتغسلش قلتها

وماعدش حد يشيل ولا طابق مرارتها..

الليل بيهرب من ضيا الأحلام

لنهار ملون بالنّيون ألوان..

من كتر ما مزعنا طرحتها..

بترحم المحكوم على السجنان

على قد ما الرأسمالي بيشتري أقلام

الاشتراكي حقه يبكي عليك .. ويتحسر

لحد ما بدموعه يتطهر..

يفزر أصوله ويفهم المنظر..


ويدق ع الطبله كإنه أذان..

كل الهموم لا بد تتمصر ..
وكل غنوه تلتقي صوتها
من لحنها مش رد فعل زمان !

...

ياللى انت صوتك أسرني
دلوقتي صمتك حسرني ..
واما عاتبت الأرض لسكوتها ..
قالت لى ياما بتكذب الأيام ...
إلا ف زمان الآلام
وف إن بعض البشر ..
ما تغيبش يوم موتها ..
مهما بشارة الدّم تتأخر ...
واصفر ورق العمرم الأحزان !





فتاوى الناس
والايمان

إبداع

أدى أنت عشت كثير
وبرضه اترفدت
ولا أنت دربان أخذت والأ ماخذت
لكن ولو مره خلقت ضحكة صبي
اسمح لى اقولك.. كثير - من الحياه استفدت!

السوق

الكل يفعلون
يركضون يلهثون
يصعدون يصرعون يُصرعون
يكذبون يقتلون يُقتلون
يكتبون الشعر .. للدنيا الجميله

وانت .. يارب الفنون عاجز بلا حيله
غرقان فى بحر الظنون والشك
(بلا نيله)

عمال تعبى الهموم فى الحر بالشيلة
قليل عليك الجنون
لو شفت ضليلة..

خـ ذاع

ياقدرة الكذب نجيبنا من التعتير
إبن الجديده انهطل وابن القديمه ضير
الشعر ليه تهتهه .. ليه الغنا تجعير؟؟
واللى اتختم ع القفا أصبح رئيس تحرير
الرقص والحنجله تبدأ بكاس وسرير
واللى ف قدومه البلا ضربوا لوصوله نغير
لملم جراحك بقى واعقل .. ياجنس حمير
شيخ الطريقه رقص ع الكرسي بالتفسير
صلى لهزيمة الوطن والهروله مشاوير
الدين معاملة .. وصعب العمله ماله ضمير
الله يحتن علينا قلب كل أمير
بوسنا لعظمته الوطا - دق لنا جوز عصافير.

خـ ذود

فى ضل جنابن الفقراء كما فى زنازن الأمراء
يموتوا كل يوم شعراء
كمد أو غدر أو حسره .. فيبقوا غنوه سواحه
توسع كل يوم ساحة .. تهز الصمت فى الصحراء
تكون واحه أمل للحلم والأشواق
فيصعب ع العدم صوتنا .. يعز وجودنا ع الإفناء.

هزيمه

حلمت ياما بناس تزرع غيطان العدل
وتحصد الأرض لما توافى مواسمها
الأرض دارت وضاعت منى أحلامها
ويدك الفاس قدرها بخنجر الحراس
واتحكم الندل فيها استوفى مغامها
خلط الآهات بالحماس وقلب موازينها
لا القمحه طرحت ولا عاد فرجه لحزينها
شاهت مباسمها حين قسمها ربح خناس
ما بقاش يعيبها الهبل ولا عاد يزينها العقل.!

صه

بلانا المر بالأحزان ما عيطناش
حكمننا الوالى قراداتى وباعنا النورى للبكاش
ولا قلقناش
نتف ريشنا الخواجه التتري والهباش..
ما صرّخناش
وسرقوا زيتنا ودقيقنا ولا جعناش
حناش الدنيا لدعتنا بسم الإفترا والكذب
ما فهمناش
وغصبوا أمنا قصادنا ودبحوا الأب
ماغضبناش

ومنعوا الشمس وضحاها ولا بردناش
زحفنا نحبي ونهلكل ونتجمل ما قصرناش
نبوس العتبه ونكنس جميع لا حواش
وذل بطوننا صبرنا على الأوياش
وحوش الوحشه يا حواش
أمم صيرنا ولا كترناش
وعشنا صفار.. ولا كبرناش!

٥١١٢

ياليل فى لون الدم .. يا بحر مد وهم
نبشت جراحى القديمه ضحكة ولاد العم!

سوق

قد إيه تسوى يا شاعر
قلب سوق الشعر شاب
والميزان مالوش مشاعر
داللى بايعينك صحاب

ايتام

احنا نفاية الحضارة

سريتنا فى الليل رصيفها

لومره حنت علينا

بلقمه.. تخطف عينينا

وتقول: سرقنا رغيها.!

عالم تالت

فى بلد حكمه ضعيفه

بدل الحكمه حكاوى واستلف بالدين رغيه..

الشرف أصل البلاوى.. ضاع ربيعه وخاف خريفه



تعويذه

حين يعلا صوت اللى ف لسانهم مرض

لا تستمع إلا لصوت قلبك

وان اتلوى ف وشك صحاب الغرض

إفرد قلوبك .. فى بحور شعبك



مَثَقِفِين

فى بطون الأمهات من عهد مينا
حتى عهد الأقربين الأبعدين
قتلوا أطفالنا الموالى.. الحاكمين
واحنا زيفنا تصاريف السنين..
فى بطون كتب الموالى.. المحكومين ١.

مَكْتُوب

سبع صنايع ولكن بختى مش ضايع
باعشق آهاتى ولكن مش لأنى مريض
وانما لأنما سبب الألم خاطى..
تسلم لى يا صوتى.. شارخ فى النغم وعريض
شامخ على الجرح زى الفرخ مش واطى..
ذلك لأنى مانيش مستنى ابخاتى
أنا معاكى يابلدى م الهموم طالع..
منابى وياك قليل وكتيره عتراتى
لكنه مهما افترى فىكى العويل واشترى..
أنا مانيش بايع..

رَيْسُ الْفَنِّ

خمسين سنه يا عمر أحزانى
كنت المغنى وعشت الطالع البانى

ياريس الفن ياللى خلفتك مجاريح
ليه ملت للريح .. آهات ندمك مآلمانى!

الرحيله

الدنيا مركب .. موجه وريح
سواحه فى بحور الأحزان ..
كم من آهات تشفى المجاريح
واكم تفاريح للشقيان ..
ياللى رحلت لحلم كبير
أكيد عرفت أكيد تتعب
دالموت من الشيطان أقرب ..
لكن الأصيل مش راح يهرب ..
وما دام عطش لازم يشرب
حلو ومرار وغرام وجنان
يفضل السكه الأصعب
مهما الزمان وشه يقطب
ومهما طمى الخبير عطب
ح يعيش كما ح يموت إنسان!

حكمة

لا طريق الخير مشبوّه ولا عارف سكه يتوه
ولا صاحب اتنين له صاحب ..
ولا ... كلب يعض أخوه.!

لامفزر

قالوا النوايه فى يوم العوزه تسند زير
وحصوة الملح تحمى من حسد وعقوق
ياللى كشفت البراقع لما صيرت غفير
بكره على سهوه تعرف للخيانه حقوق!!

اكيد

حين تستذكو مهما تزيدوا تقلوا
فان شفت صاحبي القديم وسط النعيم قول له
لو يوم ملكت القدره ع التحكيم
ماتاكلش صاحبك كله
بكره الدواير تدور
فى الصهد تحتاج لضله.!

مـ

لبس القروذ تاج الخلود بقيامه
فاخضع وكن يامن تحب السلامه
واطوى دفاتر العدل ياقاضى الهوى
غرق الذهب والجيفه عوامه.!

ذ

مهما علا الواطى يفضل ... للأهد واطى
لأنه مهما ارتفع لاسياده ح يطاطى!!

نقـايـه

ياحضرة السيد : أنا الخدام
هذا قانون البطوله منذ إبتداء السلب
ورا حضرتك للقبر حرب وسلام
مافيش بينهج فى حلقى
غير لسان الكلب.!

الـدوا

وشكأ ح تفلقو ديا الحق تشرق
إذا الكذب صار إذن لجلن تفوت
وصمتا ح تخرس

ولا تحط منطق
فتغرق في بحر الهوان والسكوت
فإن لم تزعق
وتلحق تفرق
بين الحب والضعف .. مرتاً تموت.!

عرض حال

يا سيادة القانون .. أنا جايه اشتكى
هدوم اليتامى ، صارت لكلكى
وشال العمامة .. قول يا لله السلامه ..
على ايدين سيادتك طاله العكعكى
وف عرضك يا بيه قول لى أعمل إيه ...
يا عقل الذكى ..
لا طايله الصابونه ولا دمع البكى.!

نهايه

فى بلاد الموت .. الحزن سذاجه
والشوق وسواس ..
وإذا حَقَّت الصوت .. الرضا مشبوه
والقرش أساس ..
الكذب حصافه له شاش وحصافه

والخوف متراس..
القاضي مشغول والقاضي مسئول
والقول السوس سرقة الجراس..
المهرة مريضه..
شكوتها عريضه
لطبيب دساس
ويروجى الثوره.. باعه النخاس.!

نكتة

لا تصاحب الندل ولا تقف على يابه
ليلة ما يطبخ (زفر) بينكر أصحابه.!

ذكري

طلعوا بنات الحور يغنوا ..
والقمر
مليم من الألومونيوم المحروق
خمسین سنه تكفيك منا هذه وسفر
والا انت قلبك م الضجر مخنوق..
مافضلش جرن قديم وترعه وشجر
تآمن لهم على عمرك المسروق.!

مشاعر

لانتظار .. علمنى افرح بالسفر
والصحارى .. شوقتنى للعمار
أعشق الألفه ودخان السما
واطلب الشجر الصريح اللون مادام نزل المطر
انتشى لوضعت فى هوج البحار
وابتهج لما يفافلنى القمر
يشفى قلبى وروحى من سقم الضجر
ويوافينى بذكرى من ليل أو نهار

والسهر عودنى استنى الهوى
حين تنادينى الطيور .. ساعة المسا
تنسرق روحى ويشجينى الوتر
يوافينى الليل بألحان النسا ..
لما اخاف العشق .. فى وضح النهار ..


عتاب

النيل يقول للنخيل: عيبه على شيبتك
وطيت تسف التراب
نخيت لدود الخشب
ضيعت ليه هيبتك
قال النخيل يا جميل

أنا خيبتى من خيبتك
خيبت عليه السبب فى مصيبتى ومصيبتك
ومين عملها وكتف خطوتك بحبال
لهف العسل والقصب وروانى بعكارتك
ودوخك رجال.. يذلك الاحتمال..
على الشطوط ترقى .. بين البلاد جوال
تمضغ هموم التعب ..
وتعاود الترحال..
والسيف على رقبتى وعلى رقبتك..
فنسيت ونسيتهنى
طعم الصراع الغضب
طعم المروق الحلال!

أهل

ياللى انت عشت التاريخ الطيب النيه
يحميك شريف القصد م الغيه
تشفع لك الأمهات
ويرودة الزنانات
وساعات لها طعم أحلى بالأكيد جايه!



بريسترویکا
بالعامیانه

البحر

إهدا يا بحر .. إهدا
حلقتك بالسر الخافي ما بيننا .. تستهدى

إرعرش جلدي بحنان
ملس بصواعب العشق على جسدي زى زمان
أغمرنى اقبرنى إتحكم فى مسار أحلامى وأمرنى

إفتح حزنك واعصرنى بين دراعات الموجه بشده
طفى جمرة راسى .. وسواسى خوفى لتهجرنى
طهرنى من الأحزان
أبدرنى على الشيطان

فتح شبابيك الشعر وفتح زهرة إحساسى ..
إنت ياللى مالکش شطوط ومراسى
أنبل ماعشقت

أجمل ما رسمت جوّه عيونى المسافات الممتده
من أحزاني المحتده

فاهدا .. واستهدى أنا هديت
كن .. اسمع لى أنا استكفيت ..

إنطق .. أنا ياما ناديت
ياما وكنت ترد عليه وتوعدنى ..

نفسل سوا كل شواطئ الدنيا من ذل خواطئ الناس
ليه دلوقتئ بتنكر صرختئ ولا بترد ندايا
ولاحتئ بتبادلئني الإحساس ..
بتكايد نفسك .. وتكيدني
تغلي وتزيد وتهددني
تشيل أمواجك وتحط فتجبديني
بدال ما تنجدني ..
خلاص !!

إحنا باللي اتعاهدنا على حمل هموم السر اللي ما بينا بإخلاص
العمر .. اللي كنا بنحلم بجنائين زمانه وتبينه
إتسر سبب ع الرمله وعدئ

والحلم اللي إحنا كنا فاكربنه ..
ملكنا .. وحدينا
أصبح في كل مدينه ومينا
ملك اللي بيدفع بالعمله الصعبة

رضينا تفرقنا الموجه الراكدة
حرقنا مراكبنا ..
غرقنا .. اتفرقنا
لما عجزنا نفرق بين الموجه المولوده الشابه
والموجه العاجزه .. المرتده !



الطَبِـوْل

هذا المدى الكالح
بجر المسافة ما بين السَّم والمالح
هذا المدى البَطَال
تمن التّعاسة فى سجن النفس يا قوَال
هذا المدى الممرور
طرح الغرور .. ف طريق العجز .. يا فالح ..

طائر سليم الجوانح
والفضا مكسور ١٤
والشمس عاجزه عن بلوغ السور
إنزل عن المهرة
ودع زهوة العصفور
إشرب حليب الزور
بدل قناع الملامح
وكف عن رمح الخيول الجوامح
إخضع لعرف الرضا بالممكن الفاضح
وكن وليف العوج والملسن المعيوب ..
إخرس حنين الوثوب
للمذهل الواضح ..
جيشك فلول .. أشتات

ريشك في ربح الشتات
فاقنع بخبز القبول
الآتى .. ابن اللي رايج ..
وما فيش محطة وصول!

لاصحاب بشكبر - تقل
يزيد مقامها - تزل
واللى استراح بيعل
حين يفهم الفولة
أول ما ينول - بيقل
القصر مل - يطول
ويشب بصبح غول
جمل الحمول ح يكل
ويهل عصر الجوارح ..

...
ياااه... ع الزمان الممل
راجع بنفسى الملامح ..
يدق نفس الطبول!

سورة انساب الشعرا وأيام الشعر الستة..

﴿ وَاللَّيْلُ وَالنَّجْمُ ﴾

الشعر ستره يا جلد حرايه
لا تحتمى بالغوايه
ولا بالحراب الأسته..
الكذب غيطانه بلا نهايه
حشيش قسايد زى هيش فى قنايه
والشعر عمر الوطن
ليه ينتهى لحكايه منسيه
علتها مر البدايه
ورغيف بلا ملح كلته ايام رصيف الفقر
جت السنين المسنه
طرحت ولاد زى البلاد نسايه
الذكرى يا بكره جارحه.
والأرض م القهره مالحه
قتلت جنون الأجنه

وانا كتمت الصرخه فى حشايا
إصفر ورق العمر ما بيننا
كان سرنا ملكنا .. والجهر حال بيننا ..
جفت ضروع الأمل فى كف حالبيننا

آه م الجراح الأعنه
الحلم فى رقبتي حمل .. يهد حيل الحصنه
والكذبه قد الوطن .. فاضحه وملسنه.

٥٥٢ فبين ما تزلزوا ..

يا ابن السنين الغشيش
لا عشت ولا ح تعيش
خطاوى عمرك على المحيط الرخام .. خرابيش
الصبر ما عدكك .. ولا عاد ليش
والفقر زاهى فى ثياب الریش
وانت بلا مهرب .. وما عنديش
غير خطوتى المسترهبه
القمح عشق الدنيبه
والمن رقق النبق
الشعر صار عيبه
غناوى هليبه وسبب للعيش
وانت ارتضيت بالسبق ..

وعشت حسب الوَقِّق ..

خُفَّت البَلْكَل والغَرَق

دَقْنُوك فِى آخِر النَفَق وَكفْنُوك فِى الخَيْش ..

خِين كدَّهوك النَبَأ ..

رَكبُوك طَبِق عَن طَبِق .. وَجَيْش يَسْلَم جَيْش ..

مَرَكَب قَصَايِدِك وَرَق ... فِى نَهْر مَا بِيَجْرِيش ..!

٣ .. وَلَا يَسْتَوِي ..

مِين اَنْتُو يَاللَى طَعَمْتُم الحَيَّه وَطَلَقْتُم الخَفَافِيش

عُقْدَى اَنْفَرَط بَيْن اِيْدِيكُمْ

وَحَالَى حَال الْمَسْتَحِيل فَيْكُمْ

وَعَشْت حَق وَزُور اَدَارِيكُمْ

يَاخْلُق سَكِك الْحَق نَسَايَه

وَإِنَا يَوْم رَحَلْت وَحَجَّتَى وَيَايَا

مَا كَانَ خَطْر ع الْبَال

صَاحِبِي الْمَرَايَه اللّٰى كَانَ بِيْرِد كُل سَوَال

يَصِير حَسْب لَاحْوَال .. مِنْ حَال لِحَال

لَا مَبْقَى خَاطِر لَعَم وَلَا مَرَاعَى الْخَال ..

أَخْرَس لِسَانِي وَبِلَاتِي بَصْفُوهُ الْجَهَال

حَشْرُونِي غَصَب ف زَوَارِق بُوْرصَة الدَّلَال ..

يَا حَسْرَتِي بِيَكُمْ .. دِي حَتَّى سَوَقَكُمْ يَا حَسْرَتَكُمْ

بِدُون رَسْمَال.

٤٤٤ ولا تدرى نفسى ..

يا أرض ياللى شرتى دم صبايا
ملحتى ليه يوم هنايا
حرمتنى الفرحه من وهمى إن أقدر أعيش
على رغيف أمى اللى ما صنته ولا صائبش
إحنا نسيناها ف زمان الحرب مسيبه
شالها الممزع رايات ع الشط مطويه
تبكيننا .. جيش ورا جيش ..
طرحها من فرط الدموع مبلوله
ضفايرها فوق كل الشطوط محلولة
وأنا عشتها م المقتله الأولى ..
آخر الطواقى وأول الطرابيش .. يلاحقنى نسبى القديم
رعب الصراط .. العقل والتجريم
غضب الشاويش نسانى أنسابى
ورث كهولتى وعلتى لشبابى ..
عضنى بأنيابى
قتل على غلظه منى آخر اصحابى
وكفنه معايا ...
فى تراب قسايد كتابى !

٥٥ اننا انزلنا قسما ..

ما أصعبه الكلام فى ليله زى دى ..
وف أرض زى دى

واحنًا المسافه بينًا نفس الكدبه دى..

فى عتمة الزنانه كنتم ليّه شمس خريف
شباك منور فى أماسى الريف
شميت رحتكم طعم ماء النيل
عرق ذليل .. ورغيف!

كتمّ الحرس ليل الحرس كله
قصوا ضواقرنا وشرخوا الجرس
الطفل أدنّ والمشايخ صلوا
ساومونى على حزنى القديم كله
صبح عفيف العشق ماله شفاعه

كافة أساطير الغرام متباعه
قلت الورق يشهد
قالوا .. الورق ؟ زى الشرف ساعه
واتقطع القلب بين الفقها والبيّاعه
فى السجن كانت علّتك شماعه
وإيه ح يسوى تاريخك والعرب طماعه

شبكت قلبى ف عروة السجان
بادلّه بجرائتى عيش ماهوش خمران
وفاتنى عبره زى طير سمان
بعد الرحيل الفرّح رسى فوق شطوط أحزان

سرقنى من يأسى وعد الغربه بالنسيان
غثيت ومنيت جناح العجز بالقوه
فى عيونكو كان سجنى الحديد هوّه
شبابيكه م الناحيتين طالين على جوّه..
تتلبّش الفنوات على لسانى..
طفولتى تنكرنى
وصبايا ينسانى..
القلب قاصر وصعب يحب من تانى..
وما بين قبايلنا ياما- والمسافه بعيده
مسافه الحريره والززانه
الكره والقصيده
تجريدته ترحل تبتدى تجريده
طفل المناشى يضيع فى مصر الجديدة
ياصلب حلوان دى مالطه..
مهما ح تدن ح توطى
السد كان غلطه
والعدل والحريره طق لسان
كلام أغانى ومغالطه
لذّه تدردشها مع الكونكان.. وتشتري بها عواطف النسوان
مزه ف ليالى ونسة البشوات
عصر القلام الجافه والشنطه..
وزرع شواشى الزعامه ف كافة الصالونات
من سوسه للسنتطه
حارة شكيبه اتقسمت بوتيكات

وموسى لما تفرعن صار كلامه شيكات
وصبح بيفتى حسب شريعة البنوك
ع الشيله والحطه..

...

الواقعه منحطه .. والطالعه مش حاطه
هات يا ابنى تصرىحى هات..
باين فاتتنى المحطه.. وحق تسرىحى..
دخلوا الملوك واتحجبوا الخواجات..
والحاج كارتر صبح له مقام وزاويه ف طنطا!
شى الله يا شيخ عريان..
أصبح طلوعك ع الصليب بالواسطه!

٦٥٥ وهزى اليه

الجو حامض ومره عيونك العسلى
يا مهاجره فى قلبى بعد بلادى ماهجت
من فقرها العارض لبؤسها الأزلى..
فين الكلام اللى قلته قبل ماتنسوه
واللى نسختوه لأولادكم ومسختوه
يوم قلت قبرى هنا ؟ قتلولى ما تدقش
علشان رئيسة الديوان من خوفها تندهلك
أمرت جميع القصايد تندفن قبلك ..
البيعه خسرانه حين تبدأ ببيع أهلك..

يومها ابتديت القصيده كفر وموالسه..
باعوك أبالسه بسعر الحره والتشجيع
شجرك كبرميت
أشواقه تدبل على أوراقه طول العام..
وكان فى ظنك وراجبل الهموم دى ربيع..
حكيت عن الناس ولكن من بعيد لبعيد
وهتفت للحق لابس له هدوم العيد
تصلى يوم الجمع من غير ما تتوضى
وتقضى يوم الأجازة تبدل المواعيد تجلى فى سيف صدى
وللهزائم تبشر تنظم الأناشيد وتفرز الفضه
وتكتنب لو قالوها ف وشك اصحابك
تقل بيبانك على حزنك بقفل حديد
وانا ان سألت تعايرنى بسنى ويجهلى
وانت اما تشبط على كرسى بتقلع الهرايبيد..

آه يا رباية الخطيه
عسكر حراميه على طول الزمن وعبيد
الصدق مش مصلحه والعدل مش نسبى
شكيت لقاضى الغرام من حجتى وسببى..
وحيرتى بين الحقيقه وبين شكوك نسبى
خدنى بذنبك وانتزع قلبى
وأمرلى عند الموازنه ..ح يسمح لى بقلب جديد!

تخاريف ريفية

طرح عمود النور بلح أخضر

البرتقانه خرمت المركب

عنكب ركب بالخلف يستوزر

وابو جلمبو اشترى المجزر

وباع شوارع شبرا بطبخه على المكسر

صف العساكر ضحك الموكب

والجو برضه وشه متعكر

سعدان زهق من نق سعدانه..

حبسها ساعة الحظ في العنبر

وراح تونس

يحضر هناك مؤتمر للطحلب القومى

يدرس علاقة الفن بالأحجار.. وينظر

سراكتشاف العرب لتوارد الأفكار.. وللمهجر

جرى إيه يا سيدنا يا عالم الأسرار

يا متغندر

يا ابو شيبه عيبه وعمر متبعتر

أنا كنت واقف فوق طراطيفى.. باشب لفوق

قتل الغراب البوم على رغيفى.. نزلت السوق

من بعد ما اتعبى خرجى شيلته وبكيفى..

ركبت نمله ورحت للسلطان .. وقلت يا زوق
كانت أمي رهنت عندكم سيفي ..
ياخذني لفوق ..
أتاربه مؤمن نفسه للصيفي
لما البلح يحمّر ع العواميد وكله يدووق ..
يبيع هدوم الفراعنه يسد مصاريفي
وأما يفلس بسامحني يكون ضيفي
ويبنى قبه فيها شيخ محموق
ويبدل النظره على كيفي ..
ولجل .. يضمن حسن تصريفي
ينفخ لي بالونات فرح في العيد
ويخف عني أوامر التوريد ..
ويسن سيفه على رقبتي أنا الريفى ..
يبيعني بالقطاعى يوم السوق
ويحفظ التلاميذ تخاريفي .!

على سكة المنصوره كنا اثنين
واحد رحل لما الهوى ندهه ..
فرقت معاه على مكه نص ريال ..
والثانى قال : أنا حقى برقبتي ..
وباع متاع أجداده لمنوفى
وفات لى خيبة إولاده فوق خيبتى ..
أجيال عيال ورمال على كتوفى

سألت فاضل ع القناطر كام؟
رد المكسح قال مافتناها بقى لنا زمان
هى الواحات ماكلتش من جلدك..
الفيلسوف أبو قصه فتانه
قال لى بلهجة هرمه فلتانه
هو إنت ما جريتش امأ فرينا
خوف من حوافر جحشه الوالى.. أبو زعبل؟
أنا قلت صبرك يا بابا لما أسأل
ردت رئيسة الحزب : وانا مالى
من أول الجلسه حسمناها
هو انت دائما كاره اصحابك؟
ولو انت كنت شرحت أسبابك..
كنا عملنا فى العلاوه حسابك
ذنبك على اجنابك..
هو احنا ح نرمل ونضرب ودع..
كان كله قدامك.. ماخذتش ليه..؟..
كلّ المواسم صعبيه فى الأول..
كل القضايا مسيرها تتدوّل..
لا فرق بين الأصلى والمبتدع..
رهن الجدع قورته لنص ريال
طلع عباية جده من سندرتة وكواها
ورى دقته زى تيس كوفى
وقال ماليش م العمر غير شيبتى
ياريتنى ما فرطت فى حروفى

الشعر كان خيبتى ..
 ساعتك ما دقتليش
 ساحتك ماهيش ساحتى
 إخواتك مش أصحابى
 كحكة معاويه طرمت أنيابى
 والبدو عدوا جردونى ثيابى ..
 سرقوا جرايتى .. كرهونى أعيشى ..
 قالوا انحبس دمه نهوى له ..
 وما دام نكر أمه نهوى عليه
 خوفاً خرس انت ومارديتشى
 سألت يازوق!
 ليه اللى راكب عمره ما دفعشى
 واللى اتركب ينضاف على حسابى
 الكمساريه قالوا لعب عيال
 طول عمرنا واكلينها كعابى
 كل بيلهط وبيغالطنى فى شبابى
 أشنع سقوط يا ابنى بيبقى لفوق ..
 الاضرابات مش عايزه جرافته يا إكيابى
 أطفالنا بيتخانقوا على الطرشى ..
 وف كل مينا الميتين قامت
 تعدل المايله .. وتدلج البايه ..
 واحنا ف دفاتر العالم الثالث
 بره الهوامش عمرنا مسروق
 ومادام خيال المآته لسه بيخوف ..

إزاي راح اثبت إن جرحى قديم..
ومين من اخواتى لثيم.. محقوق؟..

طبقتك ولد حله
حكمتك يا كريم وزغروطه
طبقتي ولد حلتين
من فضل رب حكيم
الفن يتجلى يا فطوطه..
كافة دفاترنا يا ابو الهم مزبوطه..
إنت اللي أهبل عشان آمنت بالقوطه
الشايب اللي نصحننا بالرضا بيغش
لهف ميراث النبي وغلاً علينا المش
نسر ح نلايمها وكفايه السفر ببلاش
والاح نسرح ع النواصي ننش
ونسطح على القشاش؟..

الخوخ ما هوش لايق على الغله
ولا الفراوله ح ترضى بالبرسيم
يرحمنا رب حلیم
إحنا اللي كنا رضىنا بالتقسيم
ضحك علينا الزعيم وحلف على الرمله
طلعنا برياله
يوم ما اكتفيننا من الحرية بالباله..

حرتنا فى الأسفلت ع البطيخ ، ماصدقنا
عصرنا شرياتنا ومجاش فسيخ
كل المحاضر بتثبت إن كله تاريخ
من الخازوق للمسله
ومن فاروق للمحلّه
الفيل طلع ع النخله يتفلى
وابن الأكابر سامحنا عشان يهزّأنا
ياعزيزى مانت عشت تسرقنا
أيام ماكنا بناكلها ناشفه بعرقنا
مش كنت بتلاحقنا تسبقنا
تعشم الاوطان بتوت ولبان
وتوصف الأدويه للسجان
يرتاح ضميره وهو بيبعزقنا
شرقنا غربنا فى الزنازين . . واطلقنا
نحلم ببيض الديك يقربنا ..
يوم ما تكاكي القطه للخرفان
ناكل حمام ع السيخ ..
ونمزّ بالسّمان وبالصواريخ
يتصاحب الفلاح وابو القردان
أبو السباع حين يرفع التلفون
يتهز وسط الكون ولا النسوان ..
.. ما الأخرس أهبل والفصيح مجنون
تلاتين سنه فى جنينة الحيوان ..

وعمر لاشتراكيه ليها دقون
من عصر (ماركس) حتى ابو القمصان
(عادل حسين) بيذاكر القرآن
وانت أبوك بعد المعاش مأذون
والشيخ (مخيمر) بطل الكونكان
ومادمت ما حزنتش على (الحشان)
أبوك (سليم) راح يموت مديون..
وانت اللي صدقت إن الجاز بلا ريحه
والثوره أصلا نار بلا دخان
طلعت بفضيحه أرنب له تلاته قرون
كرتون ورق اكسب.. من الأفيون
باريس بقت أقرب من الفيوم
والبط فرخه يعوم
خدها نصيحه قلتها لى زمان
إخلص بدين أهلك ولو أحزان
صنف الشكك ح يفلس الدكان
واياك تدير ضهرك لأياً كان ..
البلهارسيا مش من الترعه.. ولا النسيان
جنس الديدان صار أوعى م الإنسان..
البلهارسيا ؟! حكمت الديوان.

الوش العيره

آه .. يا من خنتنى وخايف عليه
إنكسر قلبى لموتك غصب عنى
مع إننى ف يوم كرهتك نقص منى
بعد ما قدرتنى أنطق .. أغنى ..
رحت فىن ارحمنى من يأس البعاد
وأحابيل المكابده ع الولاد
من ميراث المنفى لسنين المكابده والعناد

قلت ح تضحكنى ليه تضحك عليه؟
ضحكتك غمّت عينيه
حلّ عن أمة سمايا . وحل عنى ..
لعنتى صنعة إيديه .. عيبى منى ..
ولا فيش غيره الزمن يقدر يعينى
طرحت سكتنا أنصاف الفوانى
طفحت أحواشنا أشباه الرجال
وانطفى الحلم المحال ..
حين رضينا نعيش بأنصاف الأمانى ..
حين سقونا من ينابيع الرضاع النفس أولاد الزوانى
سمّوا العيش الحلال قتلوا الأغانى ..

جمر فى عينيه الخيال
نفسى أنزف فرحتى المغدوره دمه
يمكن الحزن الأصيل يحيى الآمال
يكشف الزور اللى خضر فوق لسانى
من تهاويل الشكوك المستجده
من ميراث الخوف ومن ضعف العباد
اللى طالق ع الوطن مخاليل شيطانه
تدفنه ف كدبه أمانه.. تشنقه فى صدقه المحال..

إشربى من دمي واشتدى ياشده
أفجرى انفجرى ف وجوهنا بكل حده
إجلدنا ينجلى فينا ضيآ عقل الجماهير اللى صدى
إطلقى الريح المعانده
ريح سجون مصر العتيقه المستبده
تزيح ده عن ده.. يستريح الكل يرتاح م المناهده
لما كله يتلضم فى حجله واحده
جايز القروان يجمع ماتوزع.. يوصل الحبل المقطع
جايز الززانه تلفق ما تمزع.. تغسل التوب المبطع
تنزع القلب الموزع من أمانه..
تنفض الدود الملطع ع المخده
لما تقلق راحة المستهدى والمستكفى بالميه ف حفانه..

آه.. يا بركة حبسه واحده
من تراث مصر الحديثه المستبده..

فيها يخلع صاحبي وشه العيره ويقابلني بالوش القديم
واللى قاتلني يراجع نفسه عن فعله الزنيم
والمغنى يعف عن قوت اليتيمه واليتيم
يفارقنا الخاطى والخطابه اللثيمه واللثيم
يتقفل باب المزايدة..
وعلى سيوف المفارق والصراط المستقيم
كل طير يرجع لفصله..
واللى ساب يربط مفاصله..
واللى وصلوا يرحمونا من تاريخهم العقيم..
يرحلوا عنا اللى فاصلوا ع المناصب والحريم
واللى خائى يعمى عنى.. يتلهى فى حساب حواصله...

يومها ابوس راس اللى واصلوا
اللى عشقوا مصر سيف يقرب بعيده يعود لأصله..
لما يسقوا بدمهم بارد حديده .. يستنوا نصله!

مانيفستو الثورى الجلف

عارف انكو مش طايقينى
لا عايزين تسمعوا منى.. ولا عايزينى
بطبعى النكدى الجلف.. وشكلى الهلف

وكلامى اللى بيقلت منى غصبن عنى

لحمى العريان بيجرح أحاسيس ستاتكم
بيحزن فقرى بناتكم
ويتزلزل أمراضى ثباتكم وتقل راحتكم
كل ما افكر فى زيارتكم فجأه بعلى وجهلى
حين احتاج اسألکم عن شجرة عمرى
اللى طرحت فى خزاينكم بزيادة
قمحى وكتانى وألحانى .. وصبرى ..
قهرى وحزنى وشعرى ..
اللى يببرق لولى فى سهراتكم

يا حضرات الساده إقفلوا أبوابكم فى وشى
ترسوا حرصوا واستحرصوا بزيادة
أنا مش ح اجى المره الجايه .. لوحدى
كما جرت العاده
لا يا حضرات الساده
.. أنا ح آجى شايلى أيامى
وأحزانى زكايب
ومعايا خلايق ياما -
لو ما لقيتتش ركايب؟!
... راح ياكلوا السكه بياده..!



يوميات مؤتمر سري

حقل الاقتتاج

مقاديم.. نموت فى الاحترام والمديح
ولا نحس الحزن فى لون الشجر
ولا فى رحيل القمر .. زهق من الضجر
لا بنسمع الأنين فى همهمات الريح
ولا الفرحة فى نهنات السفر
ولا الهزيمة فى صمت شاعر جريح
خانه الرغيف فى موطنه القديم
لأننا اتعودنا أن نستبيح .. كل الحروف والصّور
على بعضنا نسن سكاكين الغرور القبيح
أو نستكنّ نستريح للاتكسار المريح
فيسلمونا الكدابين للغفر!

الجلسة الخامسة

رغينا ياما كلام جميل عن الوطن
قلنا وعدنا فى أمور الكادحين..
الجاهلين عن وعى أسرار مجدهم..

غنينا مجد الفاتحين .. اللى لووا عن جهل رقبة شعبهم
عمداً وقصداً وقفوا سير الزمن ..

جهزنا شعر القحط والمناسبات
حللنا أسباب المجاعة فرحانين
وفى برارى الجبن والمجاملات ..
دبلت قلوبنا .. دب فيها الوهن ..
ولاننا هجرنا أرضنا سدى
وخلعنا توب العفه مسروعين
بادلنا بيه توب المغانم العقيم
وسترة الرضا الذميم
المنسوجين .. لِحْمَه وسدا .. من المعايب والحروف الكدابين
خمرنا سيف لساناً فى العسل
لتينا بيه كلام جميل عن الوطن ..
حكينا وفتينا ف أمور الكادحين ..
غنينا مجد الفاتحين .. اللى لووا رقابنا سنين ورا سنين
علشان ما نوعاش للرضا الذليل .. اللى بيولده العفن
أخذونا غدر عمداً - ربما وانما أكيد عما
ونفونا خلف حائط الزمن !

الأصداق

وانت صغير استصفروك .. وسخروك .. ليركبوك
واما كبرت .. استكبروك
إن كنت طيب .. دمعتك قريب .. يستعمروك .

فيقولوك .. ليه رولوك وبلفتوك ليكلفتوك

ويوم نجاحهم يهلفتوك

لو عزت تفهم؟ .. يمسخروك .. ويمسخوك ..

واذا فهمت يدوخوك

وان كنت مجدع؟ .. قادر تبدع .. يسخروك ..

حتى الشقيق امك وابوك .. يسب عياله .. يصغروك ..

عشان ياخلي .. خوف م التجلى

تفضل تمللى .. ركوبه جاهزه .. يستحمررك ..!

في حماية النقد الذاتي

عملنا ياما بالخير حسابكم .. ما حد منكم عمل حسابنا

دقينا ياما بأشواقنا بابكم .. مين فيكو مره حس بعداينا

قسمننا ياما وياكو قوتنا ، ومع العطاشي منكم شراينا ..

شيلنا حملكم .. في ايام همومكم

ليه يا صحابنا؟ لما بتقيله الزمن أصابنا ..

شفتم مصابنا .. ما حد منكم .. جه دق بابنا؟

مؤثرات روج داخلي

ياشاعر الفقرا غني نبه الحرات

قول له يراعي الأدب .. يتذكر الأموات

كلام سمعناه من اللي قبلنا قالوا

قلقبيله مخفيه عمداً . تكسر المحرات ..

والحلم له لسه في علم السياسة آيات

ساعة شقا زياده جايز .. تقلب الآيه ..
وايد على إيد .. تشيل الأرض للسموات ..
الصبر مزال فى عرف الصادقين طيب ..
وياخته من كان له قدرة وعافية .. ع الى فات ..

نقطه نظام

يامن فقدت المزايا فى لهفة الشهره
وكنت فاكر نوايا الطبيين تحميك
ح يعتريك الفزع .. فى آخر السهره
كذبك رصاص النهايه .. ف مقتلك يرمىك !!

نقطه هدم نظام

يامن كرهت الصدق يوم ضعفه
وزحفت خلف مغانم المكلولين
راح الشباب وصعب عليك صرفه ..
فاعمل حساب .. لحساب ولاد جاين !!

وجهة نظر

العار لحق تويك .. يوم احتميت بعيوبك
لو لسه باقى دموع .. إغسل بها ذنوبك

خمر الندم حراق .. يامن نكرت الداء ..
خسرت كل سباق .. شمسك على غروبك

إتسر سبت لايام .. وحكىنا .. ما فاد كلام
ليه إحتمبت م الغرام .. وكرهت محبوبك ..

صبح ربيعك شتاء .. ولكل بدء انتهاء
دموع دى والأدماء .. قدرك ومكتوبك

كم بعثت؟ كم واشترت! .. ورحت زى ماجيت
عليت؟ .. وطبت بالبيت !! .. هل هلت حال توبك ..

خجلان؟ .. تدارى عينيك الدم فوق كفيك
إنت اللي دُست عليك .. ذنبك فى عرقوبك ..

تحيات

واللى (ما بي فهم وضوحك ..) عمر ما ح يهزه نوحك
لو فى يوم تكشف له ضعفك .. يدعك الملح ف جروحك

واللى (ما بي سمعش منك ..) بكره ينقل كذب عنك
وان لقاك واقع فى نقره .. يردمك .. ما يرعى سنك

واللى (ما بي عقلش قولك ..) قُصره كاره ضل طولك
يوم يصحصح لك فى غفوه .. يشنقك بحبال حمولك

واللى (بيقطع حصيرك..). عمّد .. (ويصعب مسيرك..)
قصد .. حين ح يحس ضعفك .. يخضعك ويخل سيرك

وانت (.....) .. سارق منى خطوة.. عمرى ومخبي لى مطوه..
تفرق إيه بالذمه عنهم.. همّه سلطه .. وانت سطوه..
قلبي منهم ياما قاسى..
ماقهرنى حد .. غيرك!

استجواب اول

مش فيكو ناس كانوا معانا.. فى السجن علوا الزنزانه
ولما طلعا عبوا لنا.. الفلسفة بالجمدانه
زتون جدل، .. وتاريخ أويما
وفكر محلول - برشامه
وثوره بارده فى قزايز .. تحاليل ما بين -- حانا ومانا
ولا همهاش بتبيعهها لين
مادام تروج الدكانه؟

استجواب ثانى

مش كنت يامبتسم .. زينه مجالسها
تبرر الكذب وتحلل محابسها
ويوم دهسها العدو .. والغدر دهوسها
واحترار ولادها فى مين طقى فوانيسها
ومين غدرها .. وخيب ظن فوارسها..؟
وجعل قميصها علم .. بيثيله كل لثيم

يومها يامحموق وقفت تفسر الكارثة
بالنقص فى وزننا وبخيبة المظالم
اللى بأمر التحالف .. حضروا تجربسها؟..

استجواب ثالث

تقدر تفسر لى .. ليه دى ماهوش عاجبك
أول ما أنطق .. بترفع فى قرف حاجبك
أنا اللى بعث الحلل ورهنت أشعارى
علشان أقوم كل مره إحتاجتنى بواجبك
تخطى!! .. أشيل ذنبك
ترحل!! .. أشيل دارى، وتاريخ هزيمتى ومرارى
ما بين ضلوعى وافرط قلبى لصفارى
أشقى غليل الوطن .. واشرب لهيب نارى
وبانكسارى تحلى تخبى فى عبك..

مواجهته القديم

فى السجن بست الوطا .. شققت لك - بطيخ
وفى المجاعة .. سلبت لحمى .. مرق وطبيخ
رميتنى لما افترجنا .. للكلاب والسبخ ..
والنعمه تُنسب إليك .. والنقمه فوق راسى
وقر سموم بسمتك .. جاى لك زمان قاسى
واللى افترى كذب - بكره .. ح تكنسه التواريخ!

بیسان خسروی قابل للإدانة

أنا المعمم بهتمى فى مواخيركم
قصايدى لضممت أوائلكوف أواخركم
قدمتكم ياما على نفسى .. قدستونى
وروحثوا بوستوا (جدم) من داس مناخيركم

أنا لعنة الآتى عمرى ما كنت يوم نساى
وهبتكم نور حياتى ضحككتى وبكاي
ذكرتكم فى الضنا ..
فى الفرح نسبتونى ..
بدونى نقصت بحاركو وعمت من غيركم

ماعادشى فى العمر باقى
نبيكى ع الى راح
ولا فيكو ساقى تداوى خمرته لجراح
على لقمة الحزن والنكران فطمتونى ..
إيه غير جنونى
مشخبطنى ف دفاتركم

كهنه مس تديه

مين زيك يا فقير الدار.. يامطوع جلاميد الصلب
وتتقلّى على جمر النار
أنا زيك فى الزمن الأعوج.. باتقطع خشبه ومنشار..

أنا وانت خيالين فى الضلمة .. أنا وانت ضلّين فى النور
تورين اتربطوا فى الساقبه..
حرفين ضايعين فى كتاب مسطور
وجهين للعمله أنا وانت شاطر مشطور
أنا وانت - عقبال الأمله - زملا، حمارين حنطور.

بتقلبها يسار ويمين وبتحسبها بالملايم
بالألف البيه، الكلمات بالوغار يتمتات الشهدا الأحياء -
الأموات بهموم الدنيا ووعود الدين. بأماير ماركس وامانى لينين. بالعرب
العاريه العجميين بالأدبائيه الثوريين - الحصّاله والنفطيين بالشوريات الرّجاله
بالناصرين المعتمدين الطبيعين والظليعيين بالوفديين فقرا وبشوات بالقوميين
بالأميين والأميين بالشييعيين والشيوعيين بوعود الزعما الشعبيين- الرسميين
.. بالمختلفين المؤتلفين بالمنفيين المكتفيين والمكفيين بالمنتسبين المحتسبين
بالمكتسبين المقتسمين المحسويين المسحويين بالأمر الشعرا والشعرا الأمر..
بالشعرا الصدف المرتزقين بيمين فى يسار بيسار فى يمين
تحسبها بيمين عن مين وازاى؟
تحسبها لمين

لامرّه بتصدق وياك الحسبه وتخزي اللامين ولا مره بتكذب وتشتت شمل
الراكبين- وامبارح لا مسامح يرحل، ولا يرحم يومك ويوصل أحلامك لليوم
الجاى .. الحكم مؤيد ومؤكّد إنك ح تنك مربوط ومكبّد ومكبّل فى سواقى
الشجر النساي.!

ياتشق هدومك ياتشق الطبله
الناس دى ياهبله أو انت الأهبل؟
والأفضل؟ نحسب مع بعض. اتفضل- إحنا على الأرض
تقدر ع الحسبه؟ تسألنى؟ اسمع لك.. وتجاوب؟! بصراحه ح
افكر!!

الفاعل انكر
والباعث دايماً مجهول
العاقل أصبح مش معقول
ويا إما الصدق صبح منكر ياانا شكلى مبقاش مقبول
ماعادش أصول
وانت بالذات ماانتش مسئول
لاف سوق الكلمه ولا سوق القول..!
الشاعر مش شاطر دايماً والشاطر؟ مش دايماً شاعر..!
والشيماء مش شرطاً واعر
والويماناً لازماً مسطول..!

بيعيب العايب ويغيب ويبرجع تانى ويتصدر
مانشيت الثوره.. والدورى..!
يامدد البترول الثورى .. الغايب راجع مسطول

السلم نابلون على طول
 اليويو يشتط ويرجع يتمط ويتحط ما يقطع
 الناقص لوزايد أجدع والأنفع تفضل مجهول
 الأعمى ح تسمع له يشوف
 والأطرش فى الزفه يبدع
 الأخرس قالها من الخوف. على حسب وداد الريح قلبه
 ح يلعلع.. دى فلوس بالزوف..
 الغنوه دايمًا على طوعه
 التسمه بترتاح فى قلوعه مشروعه يسامح ممنوعه
 مطرح مابترسى يدق لها .. يربط ويزبط مقطوعه
 ويغنى علينا يغنى لها
 كلنا أبناء للنيل يا خليل
 كان حظى قليل
 والظرف بيحكم ياسياسى
 حبه ملاعبه وحبه حماسى
 ع الموجه تقب أليف راسى وحليف قاسى
 على قد ما تحجل ح يجولك
 يغزلوا أيامهم على نولك..
 وف عز الأزمه حين تتقل يلاقو لك فى اللجنه كراسى...
 موهبه تاريخيه، تنميه - مطلوبه بمعدل ثابت
 من حسرة أيام النابت وطبيخ الأصحاب البابت
 لليالى السجن العرقوبه
 تحسبها لو طابت خابت

ليه طالتي ليأم دي النويه
ياسنين الويسكى والتويه.. الطويه جت في المعطويه
ياتسافر ياتشوف لك ساتر
الخلق بتنسى ومين فاكر
مادمت رجعت حامد شاكر - غافر ناكر..
ح تلاقي الحسبه الملعوبه شرعيه ولو مش مكتوبه
تفهم في اللعبه وتفانينها؟ خش الملعب
إلعب مع ألعب ملاعبيها
اللعبه ح تفرض تفانينها الغاوي ينقط بطاقيته
والهاوي يوفر حواديته
والخايف؟ يتداري ف بيته
مين فاضى يغيبته ولو عيظ
الدنيا قلبت قوانينها والأحوط تنطق بالأزيط
أو .. إستعبط.. واتلعبط في عكارة طينها
ياتروح مكسور بين رجلينها

- مين فينا كذاب؟ الكذب حرام!
الشاعر محكوم بظروفه
- مين فينا خوان؟
خان مين؟.. ولين كان فين ويكام؟..
- كلنا في حساب السوق خاينين
التاجر حاكم مظروفه
على قد مايتساوي حروفه..
- مين فينا جبان؟

كلتنا قاسينا من الأحزان..ومن الزنازين
واكلنا من نفس القروان
ولا واحد إلا وخاف خوفه
الفرق يادوبك فى النسبه
وح تفرق مين عن مين؟ عن مين؟
راح تفرق فى بحور الحسبه
أقلام جفت - أوزان خفت
اتكعبل صاحبي اما اتلفت
الصيني اتبدل ملامين .. والظمى لطين
وده كان وده كين من باب الخلق لباب عابدين
الصين خرجت من سور برلين
تبقى على مين؟ سجان مسكين مديون لسجين
كاهن يا كهين عقدت الحبل على فلسطين
بيروت تعرفها من الدكاكين
زى الجرانين الدنيا اتقلبت دنيا ودين
من روما لحد الأرجنتين.. احنا الباقيين
زعماء جاهزين حاضرين غايبين
من نسل كافور وصلاح الدين
شى الله يا حسين رايعين راكبين راجعين راكبين
حتى فى السجن لنا الكانتين
ياكريم الدوله يسار ويمين
ياما عهدة وصعبت ع التكهين

قرى يارما - خبره قديمه

كافة تفانين مسرح جرانين تلفاز سيما
فى كل زمان إحنا العاجبين إحنا القيمة
وان كان عاييين دايمًا جاهزين.. قلاووظ للجبهه البريمه

عطشان ؟ .. إشرب

قرقان ؟ .. إهرب

لا عارف تقسم ولا قادر تضرب

وبكل غباء بتعكرع الأصحاب الماء

ضحكت عليك الأعداء

وحرمت اولادك من حفلات أعياد ميلاد الزملاء

سهرات تدجين الشعراء

ح تموت قهرا وينفس الداء

أول ماح تعلن أنباء.. الغاء قوانين لاستثناء

توته توته تعيد الحدوته والماضى ح يشهد لليوم

المجهول ح يشيل المعلوم..

الظالم يغفر للمظلوم و الجثه تقوم

ح نجمع كل الأعضاء ونلمع كل الأسماء

وح نطرح كل الأعباء ونصالح كل الأعداء

ونقسم بيننا فتافيت الوطن المقسوم

وساعتها ح تخرس انفع لك

ولا فينا حد ح يشفع لك.. واسمك مش ضمن الشهداء..



كفاح النص شـبـر

حاريت يا قصيرٍ لحد ما خيبت
ورجعت تتباهى بتوب الانتصار
مين اللي قال لك : يوم ما بعث - كسبت؟
خيابه حتى فى لعبة التجارا؟

البحر ما ببروئش ولا الأكاذيب
دا الملح جبرٌ شق فى لسانك
رحلت فى الشهوات بقلب الديب
تبعد ما تبعد تندفن فى مكانك

شبرك ما هواش متر لو قيسته
ولا هذا توبك مهما شببت ليه
إيه اللي غرّك يا ابنى فلبسته
صار لك كفن حى
وانت الصاحى - مَيّت فيه!!

الغولہ لابسۃ الفستان


ياترى احنا بطلنا الشعر
ارتحننا وبطلنا نعيش
والباقي من فرط العمر
ح نبيعه بفرافيت العيش
ما اصعبها خيره ما فرقتشى
كان فيها ... ولقيتها ما فيش!

يا صاحبي سلفنى مقامك غنيوتى محتاجه مقام
شاركنى بواقى أحلامك يمكن تنقلنا الأنغام

عطيتك إسمى وبقيتك
ولعت صوابعى العشرة شموع
شيلتك على كتفى رقيتك وحميتك أيام الجوع
لسانى قطعتة وبلعته لجل انت تكمل حواديتك
واستنيتك يوم العوزه مالقيتك

أنا صاحب جرح صاحب واجب
علمنى الفقر أصون العيش والملح

علمنى القهر أحفظ غيبة وحضور الصاحب
ولذلك نكدى ومش عاجب
ولأنى حياً الله يادوبك عضوف عابدين
مع انى ساكن شبرا.. دائى قديم
إتنسبت من الأول فى كشوف المظالم المتاهيم
م النجم لمشمش للرايه لنحشم لحديثو وانتم غيرتوا
كلتها أزواجاً أفراداً وانتو
أكلتو حتى ف ايام التكديره فليتو
لقت زنازينها وانتوا
يا استوزرتو يا استشختو يا فليتو
علشان كده دائماً إسمى مرفوع م الجدول
مركون على نفس الدرجه..
باستنى سماح البند اللى انت بدمى كتبه
عريان فى طابور الكستور الثورى..
ونفر عادى إلا لما يشتد الدورى..
فتحتاجوا لماتحتاجوا لانشادى..
فى الهوجه أغنى لكو بلادى بلادى..
أسكر بهدير الجماهير.. يتهيألى ان الشقه براح..
موسكو بتغنى لأبريم وكبييف بتهنى شرمساح
يكوينى العرق الفلاح إشتط
أحدف لشمال وانا متربى على يمين الخط
أطبل فى المتطبل اتشال واتحط
أحسد ع العفره سكان بهتيم
واعيد الموايل المتقاله عواله.. نفسى ارتاح



أحلم بمواكب عمال التراهيل الفلاحين
زاحفين من ميت سلسيل لطناح
على جدول صناديق التغيير الديمقراطي
صوتهم فى عروقى يدمدم دم يجيب العالى فى الواطى
ياخذنى الشعر لشط بحوره واهتم
واما افوق أغتم .. الهم زكايب مابتتلم
أشتم وأشتم مؤامره خفيه فى العناوين الرئيسيه
أحتاس واحتار بين العواميد الفرعيه
متكبل بالتكتيكات المرعيه
أتكعبل فى التقسيمات النوعيه، الترضيه الحركيه، الطبقيه
احلم بالافتتاحيه اللى تزيط ترتيب الأحداث
ما اقدرش اتحمل هذا العجز المتحجر فى عيون الناس
لما القى القسمه اللى طول عمرها ماتقبلش
على اثنين.. قبلت وبكل بساطه على ثلاثه..
يتجنن فيّه العاقل يغلط فيّه أبو العريف
ويضيع منى الشاعر..
نفسى اعرف مين اللى حلب البقره ومين صفاها
مين أفسدها ومين أفساها
مين يا محامى الأمه؟..
يامن كنت وعدت الفقرا بكشف الغمه واعادة فرط اللمه
فإذا بيك تفرطها فراطه بكل الهمه..
وانا لما لبست العمه، قرئت الصفحه الثقافيه بدمه
وفضلت اتمنى أضمن منها حقيقه الحاصل
أعرف إيه الأسباب اللى تخلى الملعب فى زمن الشده مواصل

والمتعب في زمن الوفرة بيفاصيل..
 والكذاب الثوري في كل الأزمان واصل..
 وليه الجبل السرى رغم وفاق الخلف ورغم خلاف التوافق متواصل؟
 وليه صاحبي أصبح حصاله
 والثاني رباً زبيبه وساب دقنه عليها رباله
 والثالث تاجر في الباله والرابع شق طريقه رزاله..
 ليه دائما بنته زهقانه وقرفانه
 وليه الخلق الرايقه دبابه وهبيانه
 والخلق الواطيه عيابه وخببانه
 وليه بعد ده كله الصناديق طلعت كدابه
 جمعها الكرش وفرقها ابو قرش بخرزانه
 وليه أنا رغم لهيب المر اللى بيحرق قلبى
 بالقى نفسى ف ميا تمكو زواده وف أفراحو عواله؟
 مين فينا عكرع التانى؟
 أبو ميه والا ابو قرشين؟
 واخذنا لفين.؟
 رخييت اجمال التلفيق لحصانك وقطعت لسانى
 يوم ما محتحتاجنى - محتجبنى مين؟
 أنا شلت عيوبك وعيوبى
 برأتك من كل ذنوبى، وسترتك برغيفى وتوبى
 إسمح لى أعرف إمتى بتغير توبك
 إمتى ح تدبحنى، علشان يرضى عليك الناصريين؟
 وامتى ح تكتفننى وتوزّ عليه النفطيين
 وامتى ح تسلمنى لقلالات الذمه ولقلالات الدين

اللى باعوا على الطاولة القومية
ألف فلسطين وفلسطين باسم فلسطين؟
أنا عارف !!
نفسى أماره لكن نفسى فى أماره..
علشان أفهم عجزى عند تفسير يشفع لى
عند اولاد الحاره..
قدام اولادى باخجل م الآهات واتدارى
وياحس كلامى ف محاضركو فضيحه
لاتى شايف الصورة صريحه
الناس فى بلدنا حتى اولادنا صنفيين، شعبين
فى يسار فى يمين.. صنفيين
دهماء غوغاء - حرافيش
وولاه وجباه - شواشيش
صنف بيحكم بالسيف القشاش وياكلها بلاش
والتانى مايحكمش
لكن عنده الموهبه يتحكّم فى لجام الأوباش
يحشى دماغ الجماهير الثوريه قطن وشاش
أو يجمعها تهتف فى مواسم الغله للبيكاش!

وحياة أيتام ابو زعبل أنا قصدى شريف
لكن جرحى بينقح ومرارتى مفقوعه
واجنا بى من كتر ما عشت أهرر -
من غير ما استفسر ولا افسر.. موجوعه
آآآ.. ياويلنا م الشعبه بعد الجوعه

وأه م الراحة بعد عذاب المقطوعه
وأهين لما الواحد ينشق ويبقى اتنين
قلبه قلبين، عقله نصين
روحه بتصرخ فوق جمر الأحزان أحيان
واحيانا ترقص على طبل السلاطين
آه

آن الوقت الآن، تنحط الرقبه على السكين
يمكن نقدر نوقف نرف سنين المساكين؟..
الوقت مازال وحيفضل يسرقنا زى ما سرقناه
وعدونا من كافة أركان السوق ملاحقنا من قلة ملاحقناه
وبارحمة شعبنا تلحقنا..

يا الوقت ح يبجى واوراقنا بإيدين الجهل ح تخنقنا..
وخصوصا إن اللي مخالف ومعادى، أصبح هادى، متحالف..
واللى على السبعه شتمنا وسلمنا
أصبح ولا واحد منا .. ما يخالف
واللى شحططنا على سكك الفرقة ولخبطنا
رضى عنا واصبح متآلف
زقطط الدنيا وزقططنا
أصبحنا بنحضر حفلات الاستقبال، ومشاورات الاستقبال
ولجان ترشيد الاستفقال
الخط مباشر.. بينا وبين الدور العاشر
الأشيا بقت معدن واتزبطنا.. ألسطه
بقت العصمه فى إيدينا وفتح مخك ياسطى
الثوره زى المدينه بتتقدم فاتكلم..

ما تخشش فى التفاصيل وتعمم
اكثر من كده ح تمسخ
دا السجن اللى هو السجن، دخوله أصبح بالواسطه!

٢

طول عمرى وحكايتى حكايتك
قاسيتك وانت قاسيت منى
أحلامى سجنك أيامك سجنى
فى مرايتى بصيت.. شفتك واقف تحاسبنى..
العيب كان منك والا كان منى؟..

صدقنى:

واحد راكب واحد .. صفر
واحد ساند واحد صفرين
والخيره مافيهاش أيها خيره
ياخيره فى وديان التسليه والنسيان
ياالموت بالسكته أو بالنكران...
صدقنى.. أنا مش هيا ب ولا عياب
لا بامضغ خسه لحم الأصحاب الغياب
ولا باتلكع ع الأبواب
ولاح اتسوك عمرى من إيد النورى الدحلاب
على قد مايدى تطول الحيه ولو من ديلها

كلمتى وح اقولها .. ح اقولها
تسمعها والا تهملها .. ح اقولها ...

سمسار الأنفار الثورى
أردأ من سمسار البترو دولار
والكرابيج فى القلعه على لاجناب
أهون من خوازيق لاصحاب
والتعذيب فى الأوردى أو فى السراذيب
أرحم بكتير من بسمه كدابه على وش الديق
أبو بيبه زيبه .. العيبه
والا ابو نضاره - ستاره وعباره دوباره
يرضى جميع الأطراف
م السلطه للأرياف ..
ويزيف صورة أحلامنا اللى خطفناها
من بطن الليل الخواف ..

آه .. وآهين .. ع الحر من الفعل الشين
وعدك من صنع ايديك ياشايل طاجن ستك .. فوق
هيئه المغرفه ح تعبى من فين
غير قعر الزفت الدست المحروق
(أردب ماهولك ..) لكن غصبن عنك راح تحضر كيله
(قريه ومخرومه ...) وح تشيلها .. وح تخر عليك ..
قدرك .. كدرك ..
اللى ح تحكى له وتشكى له راح يقسى عليك

ولا واحد راح يسمع لك أو يواسيك
حتى اللي انت مربيه واللى مربيك
كلّ فيه اللي مكفيه
كلّ راضى ع اللي مكفيه وكافيه
خطى على قد مداسك
مش مسموح لك تخرج برّه مقاسك
طول عمرك نكدي استغفر وانكر احساسك
مخك كان ايام التكديره تخين
ماسرقتش أكل المساجين
وايام النكسه طلعت حمار
ماقعدتش فى ضل الحيط ايام الحر عشان تتدكتر
وما علقتش دهوره نهار الأحرار
علشان يبجي عليك الدور تستوزر
ضيعت الصحه تخمّر فى ترنش الواحه
تزرع قفر الصحرا جزر وخيار
وكنست ف ايام لاستعمار العنبر
علشان يلقى زمايلك راحه
وايام الحريه عمرت ابو زعبل
ما شيلتش أعلام فى الساحه
مادخلتش بستان لاشتراكيه
علشان تبقى لسان الوطنيه الأحمر
خيبتك دون الخلق راقات
مع ان الكل كانوا اصحابك
لكن لما جم يتعشوا ما حدش فكّر فى منابك

لأنك علمه وقله دائما توصل وخرى
وعامل فيها مغنى الزرع البدرى
الفرصه فلتت منك،
عرق اخوالك دساس
واطى وواقع من قعر الحله..
مش لايق تتأهل علشان تخطف أبصار الدوله
عمرك راكبك وسواس
وضعيف قدام ضعف الناس
لا انت من أصحاب الحكمة
ولا من أرباب الكلمه
ولا من عيله على (اوله)
مع انك فاكرومذاكر كافة كتب القهر المصرى
حكوميه وشعبيه وثوريه
أخذت الدنيا ف وشك جد ف جد
ولاقدمت السبب عشان تلقى الحد عشان حد
ماعرفتش يا عبيط إن بحور الشوره محيط
لذلك ما فهمتش سر الفوله
وليه قسمت روحها فوق اكتافنا الفوله
حبه يمين.. حبه شمال..
حبه للساده.. وحبه عشان العمال
ماعرفتش إن الزعما رجال أعمال..
فكر شويه ومكر كتير
والحال عمره ما يمشى إلا بالمشى على لاجبال

عمرك ما صدقت بأن الصدفة ما هيش سهوه
 ولا مره فهمت بأنك علشان تسوى
 لازم الأحسن منك ما يسواش
 وان القارح لو غفل لحظه ما يترقاش
 والبكاش حيروح ببلاش
 لو ساب بصبوصة ضى وماكتمهاش
 لو تحكم يطفئها برمش عينيك
 ويكل سذاجه صدقت رباية الغوله
 اللى فهموا الغوله
 من عيلة الباش والبكاش اللى قالوك
 بيت النتاش فى المد الثورى ما بيعلاش
 سطلوك بأغانى الحشاش والبكاش والنتقاش
 وحكاوى البيه الأومباش
 وهبولك لاستراتيجى وانفردوا بالتكتيك
 (الثوره.. قدر الثوار) واستولوا على البار
 (مصير الثورى مرهون بمصير الشعب)
 ورحلوا لبلاد القرش الصعب
 (السكه طويله ولكن الخطوه بداية الميل الألف)
 وفاتوك ماشى وركبو الحصانين..
 سرا أو علناً محشور فى نهاية الصف..
 (بص لقدام .. خليك فى الكلى وفى العام..
 (ماتفرعناش) (ماتفرعناش فى التفاصيل يازميل!
 فاهم ياجميل!!

علشان تفضل طول العمر (عطيه الصيرفي)
لوحتى تقرا كتاب النيل
تفضل (عريان) القرقان م التاميز
مركون جنب الحيط بتعد التلاميذ
تحكى وتشكى زى العواجيز
أوتفضل (عمك جاد) الحرفى عتبك واطى
صورتك مش لايقه على الحيطه مهما نجرت من البراوير
وصلاة النبى يفضل إسمك ياسمير
حصوه ف عين الأعداء
مشطوب من كل كشوف الأسماء إلا من كشف التكدير..

٣

إنا أعطيناك التفسير زودناك بالتبرير
منذ التحرير للنكسه حتى التغيير
معاذ الله من التقصير.. انت اللى قصير
طورك ، نظرك، عمرك حافى وقصير
نفسك زى ذراعك، باعك مقطوع وقصير
يخرّب بيتك .. جنس حمير مافهمتش لسه الفوله
ماعرفتش مين الفوله وليه قسمت روحها نصين
منذ تسيد مينا وامتلك الوجهين
حتى لما انقسم العالم لاثنين
مافهمتش ولا عمرك راح تفهم فانحط

ح تفضل تلهد تنهيج تنشال.. تنحط يا ذكر البط
لكن عمرك ماح تقدر تتلاطم ويا الخط
لأنك ما بتشرىش سيجار الشوره وتبيع الشوره
ما بتسهرش ف بار الشوره تزايد ع الشوره
ما بتكتبش بدم الشهدا مقالات الشوره فى جرايد أعداء الشوره
ما تعلمتش فن كتابة وقرائة حسابات الشوره
فن الحرف يهد الحرف.. عشان نتوائم ويا الظرف
فن النقطة تزيج النقطة تاخذ من كل الأطراف المعنيه بطرف
فن القول المحسوب، المطلوب، المعدول بالمقلوب
الحافظ ناسى كل المكتوب
حسب التعديل التبديل الدايم فى الخطه!!
جاك داء النقطة!!
لا بتعرف تربط جرافته.. ولا بتليق فى زاكته
قليل الونسه ونكدى ومش عملى وقليل الطهى..
لا بتفهم فى لوع النسوان ولا دلغ الغلمان
ولا ولع الخبزه بالنسيان
بتضحك ع اللى يحزن ويتحزن فى يوم الرقص
وعندك نقص لأنك من جيل بطل
من عهد ماكانو الفلاحين فلاحين والعمال عمال
والشعرا مش أصحاب أعمال، أيام ما كان فى القلب خيال
ومازالك عايش تستنى بركة ذاك المتمكن
ملسن كل حوار فى الممكن
حامل مفاتيح الأسرار على مر الأنظمة وف كل الأمصار

اللى بيولع شيش السهره بقلوب الثوار
 لاحول الله!! خمسين حول يا ولداه ..
 فطموك ع المر وما تفتنتت .. سقوك الخمر ولا اتسلطنت
 فإذا التحسرت.. تعيش مهزوم مأزوم ولو بررت.. تعيش مقسوم
 ولو فسرت.. إحترت ما بين الفرس وبين الروم
 ولو انكرت.. تموت مدهوس متعوس مجنون
 فاقنع بالدرجه الواطيه إسند ضهرك ع الحيطه المايله الواطيه
 كم يا ما حلمت تتوب على إيدك بنت الخاطيه
 لكن عشاقها أشطر منك ، اكبر واقدر واكثر منك
 ركبوها وشدوا لجامها .. فكوا حزامها
 مرمطوا فى الأرض حرامها وخلطوا حلالها بحرامها ..
 وفاتوك ترضع أحزانها وتتعتتر فى ديل أزمانها ..
 كعوبك خشنين وكلامك جلف
 مش لايق على لون فستانها لأنك طول عمرك هلف ومنحاز
 ما فهمتش ولا عمرك راح تفهم
 إن جواز الثوره بالجواز خلاا الثورة تبقى مجاز.



خايف؟ .. اوعى تقول.. وان قلت .. اياك لا تخاف الغول
 فى زمن الحلم المقتول..
 والقول المتساوى عشان يصبح مقبول
 الراكب راكب على طول
 والماشى الحافى ح يفضل ع الشوك على طول

يادوب يسمح لك أحيانا تلتقط انفاسك
تختار الذنب اللي بناره تقتل إحساسك
أو تختار السيف اللي تسلم له رقبتك
تقتل به حماسك..وتسيبها كلابها على ديابها
وتقضى الأيام الباقيه على آخر ابوابها
فى سلام الأنعام تتمدد.. وتنام
تحلم بالأيام الأحلام.. بالأصحاب الأحلام.. بالأحزاب الأحلام..
أيام ماكان العمر يساعى شعر الدنيا
من شيلى لميت القرشى لفيتنام- وتنام...
أو اذا كنت ح تقدر: عيشها كما الأيتام فى جحر لنام
إمسك زماره وطبله ونبوت
دور زى الطور السايب أو زى العنبدى الخايب ولد بهوت
تنطح هذا وتبطح ذاك
مره فى الهايفه ومره فى المزبوط
تفضح لوع البالع وتنغص عيشة البالع (والشر....)
تقلقهم وتعيش قلقان ع الأيام اللي تفوت
بين مر الصبر على الثوره ومر القوت
ويا إما تسيب النازل نازل والطالع طالع..
وتسيب العمر يفوت
تتحسر حبه أو تتكدر حبه، تاكل بعضك أو تاكلك لايام
وانت بتلملم من بين لأقدام فتافيت اللقمه.. من بق الحوت..
لحد ماييجى عليك الدور
تختار الجنب اللي انت ح تتحط عليه.. وتموت!

دم السلام السماوى

دمه على كفوفى ويستغفرنى
زنزانه المنصورة تستحقرنى
وقرش خالتى الفقرى يستفقرنى
من رعب بكره أيام زمان حزرنى
من شوق بلاتى ملاتى خوف وذنوب
علمنى أنسى اللى بيتذكرنى..

يا حاج ليه الحقح ياخرنا، وانت اللى علمته يوزع خيرنا
كرهته.. نسب الخلق فضله لغيرك
واتجمعوا العسكر على نغيرك
اتقصّدونى، صبحت انا المطلوب

أنا اللى داهن مركبك بإيديه
ورفعت علمك جوّه حوش أعاديك
نقرزت شعرى ف موكبك مزازيك
مرغت خدى فوق خطوط سيرك ولا سمعت لغيرك
سلمت جبل رقبتي طرف إيديك
هجرت أهلى ودويت فى المحبوب
ظنيتنى صاحبك وانا فى الحقيقه أسيرك

يحاصرنى موج السوق فتستثمرنى

كانت أمى من خوفها بتستأخرنى
حلمت ياما بقمرها .. التراب عقرنى
مسكين ماكنتش سامع الصرخه
تهت ف حوارى البيضه والفرخه
لما فهمت سؤالها بالمقلوب
خوف الحرام ساعة الحساب عترنى
شيخ المنصه تهته المكتوب .. طلع حقيقه وربع من كمة
وحلف على الكدبه بشرف أمه
استكبر البلسم على أيوب وانا اليتيم الطفل يستكبرنى ..
صورة النبى كبرت كثير ع الحيطه
وعشان سياحه لبسوه برنيظه
وأكلوه بعد اليمك جرانيطه
أمه الحويظه بدلت خطتها
وغيرت بعد الوفاه طريبتها من خوفها ينسى ماالقنتهوله
وبعد ما يتباهى يوم خرجتها يعرف جماعه يبدكوا قوله ..
يلبسوه توب خز ماهوله ..
والعمر عاشت حره مستكفيه
الطرحه دايبه والرغيف خمران .. بالملح زى المش ما بتفرقش
مستحمله من قبل عام الفيل
تبعث ولادها للبحور فى التيل
عشمانه ح يعودوا بقمح وخيل
يوم الهزيمة لجل ما تكذبش

قطعت لسانها وما عطنتى دليل
إحل لغز الصينى واليمنى الأحل الحزب من تمنى؟؟
قلبت ليه الصفحه يازمنى وليه لبخت
ضيعتني بين الخطوط والبخت
نسيتنى أمى ف لبخة التراحيل..
لما اتبدل خوص النخيل براميل
أجبرنى ابوس إيد اللى عاش يقهرنى..

رجعوا التلامذه وقاموا بالواجب
وعلوا عين الحق ع الحاجب
وفكرونى بيوم ميلاد الوطن.. بلقمة الخطابين بالرز بالأشعار
بكلام حقيقى يليق على الترتيل وغنا جميل بتجمله الأفكار
(كل الزهور فى الشمس تفتح..)
شوكها ف ليالى الحلم مايجرح
أطفالنا على أغصانها تترجع..
باب السما إحنا اللى ناقشينه بنجوم فى لون الدم الحريه
القصر ده عاجنين سوا طينه
بدمنا من أول الشهداء لآخر الصفحه اللى بتفكرنى..
على قد ما فجرت سلاطينه
هيجنا بحر البشر.. صحينا ملايينه
بالفن والحب دقينا ميادينه
لكن دناوة الغرض سدت علينا الكون
غرق فى شبر المرض أجمل محبينه
وصفى منى دما عروقى.. وما شكرنى

أر طالق دقنه .. وعامل سراديب
من طين امبارح .. عماله تجيب
يا مواطن صالح .. دمك على مين؟

استعباط

مسكين يا برعى ما حيلتك إلا كام فدان
قلبي ممزّع عليك .. يا حسرة البكوات ..
بقى دى أصول : ياللى جدك كان أغا السلطان
ومكانش فى البير مثله وفاق على الخواجات
يبجى الزمان اللى فيه الحافى والجريان
يرفع عينيه فى سيادته يازمن جبانات
شوفوا كتابه فى يمينه ولا القمر فضّاح
من صغر سنه وكان له فى الأصول وقفات
عنتر زمانه وطول عمره لسانه سلاح
حتى ولو كان ح يفتى ع التلات وركات
زعى فى وش الملك .. فلاح انا فلاح
رقص عشانه وحيّوا همته اللوردات
وعشان كده لما قالوا فى البلد إصلاح
مين زيه خبره بيّفهم لعبة الطبقات .
عمل قانون عقر يمنع ان تهب رباح

ووزع السّحت صدقة صدقوا القفوات
يبقى انهارده نجازيه فى ابنه اللي متعتّر
على سلم القطر بيزاحم مع الألافات
علشان يا عين امه يلحق يمضى فى الدفتر
قبل المدير ما يشيله ويتهرى خصومات
م الأربعين أهيف العمي اللي مش اكثر
ماهيه ما تسد حق البودره للستات

يا خلق شرع العدالة تقدروا ظروفه
لكل شىء سبب والرزق اجتهادات
البيه ده سيد الكرم نشهد له بضيوفه
ولا ينكر الفضل إلا الندل والشحات
من كل حي الجميع داق فضل معروفه
صحفى وشاعر ومخبر كله فى الدوسيهات
شهد الطابور اللي لولا قبض مصروفه
لا كان جرايد ولا مسرح ولا سينمات
وجايين تقولوا مزارع .. قريوا وشوفوا
طباخه واقف بيشحت لحمه البطاقات
وجايين تعدوا البقر والمعز والأطيان
وتقروا ع القرع وتنقوا على السهرات
آه

آه يا زمن كلب
متقلب مالکش أمان
خليتنى أخاف اللي جاى من حزنى ع اللي فات

طبعك عويل ندل لو أحكم عليك يا زمان
لاهرى على أم رأسك جزمة البشوات
واطلب من الباشا برعى عمنا الغلبان
يناولنى أتعاب دفاعى .. فوق دماغى ... شيكات .

لو عزت صاحب عليك بالمتعب الشقيان
ساعة تعوزه تلاقبه زيك عليك قلقان
واياك من البرمجى تربية لأسواق
يدارى عيبه بجيبه ويفرقك أشواق
وان طال يبيبعك شكك .. ويفش فى الميزان ..

استثمار

وسّع يا عرفان شوارحك
الشرع جاى يبقى شرعك .. ثبت أساس العماره

واصل يا باشا ومقاول
كايد الحسود والعوازل .. بإيدك عصرت الحجاره

حادى وراضى و هادى
رسم الحدود الأعداى .. وانت رخت الستاره

إياك بهمك وجوز

غبيظ الحسود المبوّز .. سعدك عشقت القماره

جبل الوداد اللي واصل

فاتح بيبان الحواصل .. الدنيا عايزه الشطاره

لف الخطوط الصريحه

واياك تخاف الفضيحه .. المكر أس التجاره

اللي يخاف مش ح يلعب

واللي ح يدفع ح يكسب .. لو حتى عقب السيجاره

شغل نافوخك وفتح

القرش رجل المكسح .. والبرده للحماره

فارمى بياضك وناسب

السلطه أم المكاسب .. واقسم ماهيأش خساره

تزين جميع المجالس

يقرروك ع المدارس .. تصفر عليك الوزاره

يا رايح السجن حر السجن للجدعان

ح تظل صاحب مزايا وأقوى م السجنان

حتى الحجر يابشر ح يقوم مع المظلوم

دى القسمة لو حق .. كنا رضينا بالمقسوم
لكنها شينه يا ظالم وجاى لك يوم
تفرق فى بحر الندم تصرخ ما تلقى ودان ..

انفتاح

أتى يا بهيه عليكى الزمان
بأمر السما سره تحلى الحزام
وسيدنا (بيجن) .. عليه السلام
يزورنا يوماتى ويفتح كلام ..
وهوبص بفعلص وفعلص بهوبص
وبعدين يوافق يا أمر الختام
بلاش الفضايح .. أعز النصايح :
إذا تفوح روايح عليك بالزكام ..
وخليك يا مصرى
مهذب وعصرى
أنا ليه قصرى وليك الإمام
تخليك فى حالك .. ح يرزق عيالك
تخاف من خيالك تعيش الف عام
كاسات السعادة ح تصيح زياده
فى ظل القيادة وعطف المدام
تشارك نبارك بلاش م الفبارك

ده خط الجمارك بيحلب تمام
يا في البيض تفقس يا في الأويما نقش
ولطش وطقش تحوز الزمام
وعيش قد يومك و قيف هدومك
ويبلع همومك ح تصبح تمام
ويقطع يا داير في كل الدواير
ح نرخي الستاير ويبدأ الغرام
سلام المقايضه منع أي فوضى
ح نرضي المعارضه بحبال الكلام
وسيد الجيوش اللي طلع وحوش
ملوك الكروش زغطوه الحمام
ح يبقى إداري حراسة حوارى
وينزح مجارى إدارة الترام
وموت يا (عرايى) يا حامى الطوايى
حفيدك مرايى في حالة انسجام
يا حسرة عيالى في سود الليالى
مسمم خيالى تاريخنا اللي نام
لا اقادرا فسر ولا عارف اهنكر
ومولانا (كارتر) في ايده اللجام

ده كان فين مخبى سلامتكم يا شعبي
يا فرحة (اليمبي) و (فوكس) الجبان!

افتحى قلبك يا شابه للى جاى
النهارده بكرة يبقى ذكريات
افتحى قلبك لمن فى نهار ما مات
دمه كان نجمه تدلك ع الطريق

انفضى عن حلمك الهم اللى فات
اطردى الاحزان من القلب البرئ
قد نبيل الجرح كان جمر الحريق
فابدأى من الفرحة عمر الأغنيات

استفتاء

ماما ماما ماما ما ا ا .. كل ما ماما تماماً ما ا ا .

إحفظ كل كلامى وعيد .. اياك تنقص حرف تزيد
وطى وخطى ربك يعطى .. هيبه وصيبه عن الآباء ..
لما ياما ماما ما ا ا .

ماما وماتغلطش تعارض .. يوم الزقه اياك تتعارض
عقر عكر اوعى تقصر .. مصر انفتحت والخير جاء
بس تماماً ماما ما ا ا .

سمير عبد الباقي

* من مواليد ١٩٣٩ بقرية ميت سلسيل من أعمال مديرية الدقهلية وعاش طفولته وسط أولاد الفلاحين أعمامه والنجارين إخوانه ومدرسين الإلزامى أيام ما كانت المدارس مدارس والناس بشر .

* كتب الشعر والقصة والحكاية والمسرحية للكبار وللصغار ، ومثل وأخرج وأفتى وقرأ واعتقل وارتحل في بلاد الخلق ولم يعذبه في حياته سوى اكتشافه أكاذيب بعض الأصدقاء بعد فوات الوقت .

* يتنفس الأحلام ويتغذى على التفاؤل والإيمان بالإنسان حتى في أرواح حالاته . ولذا اتخذه الكثيرون عدواً بلا مبرر .

* يتمنى أن يفي بكل ما وعده ، وأن يعطى بقدر أكبر كثيراً مما أخذ ، ويرجو الآخرين أن يعتبروا ما له عليهم ديوناً معدومة وميراثاً .. لا منة عليه ولا كيد .

* يرجو كل من تجاهلوا موهبته أو قللوا منها أو أنكروها أن يستمروا في ذلك بعد وفاته فهو لن يغفر لهم إن عدلوا عن موقفهم تحت أى ظرف .

* عرف إمكانياته وقدراته وضع الكثير منها وعرف عيوبه وسلبياته ولم يزايد بها .. لذا استحق حب من أحبوه وهم كثيرون ، وكراهية من حملوا عليه وهم أيضاً كثيرون !! .

* لم ينل جائزة أو رضا أى من الأنظمة السياسية أو المنظمات الأدبية رسمية كانت أو غير رسمية ، ولذا حافظ على عففته الشعرية وآمن بقوة أن جائزة الشاعر الوحيدة هي أن يستمر في الغناء للإنسان وللوطن وللغد في حرية حتى الموت .. وكل ما عدا ذلك باطل وقبض ربح !! .



تصميم الغلاف :

فيروز سميير عبد الباقي

وتنسيق :

ليدار الطهامة المتميزة
ومكتب عرب

إشراف :

الصديق / أحمد بهاء الدين

لاحقون معروضات المؤلف

ولا دين عليه